

春融堂集



和16
890
1



和
號 890
卷 1-20



嘉慶丁卯孟夏鐫

春融堂集

塾南書舍藏版

朱子集注卷之八

珠溪文彬齋刻印

總序

天下豪傑奇雋之士代不乏人要必有一二鉅儒以爲一時之宗六奇傑之士材藝角出行能殊別各不相下各不相能且其性情之有異歟抑其材力之有偏歟蓋勤心學問殫精平慮而卒專門名家以其業自見于天下固亦卓然自立不隨流俗之人也而所謂一二鉅儒者包孕富有博大醇懿恢然莫窺其涯涘渾渾然莫窮其底蘊也海內一材一藝之欲彷彿其形似而卒不能得卽出生平憔悴專一之業以較而亦不能逮也是非天生之以爲一時之宗歟青浦王處庵先生自少以通經史工詩文名海內一時才士望風景亦如恐不及而于其學問之遂用心之密則或未之盡知也先生壯年成進士服官中外歷數十年由中書舍人位至司

冠所處皆繁劇當其出塞從軍入掌內制孳孳矻矻手一編
不置其後 予告在籍年逾七十猶復懷鉛握槧無少休日
益其勤于學如此先生治經博通註疏精研義理兼采諸家
之說而以漢唐爲宗爲古文自周秦以至百家無不博取要
以史漢韓歐諸家爲宗至于作詩自魏晉六朝以迄元明無
不徧覽要必以杜韓蘇陸爲宗蓋才力原于天授而博觀約
取其宗法一出于醇正不襲古人之形貌而神理氣味無不
與一符合宜乎海內材藝之士傾心愛慕爭師事之惟恐不
及也天世之以材藝名者或長于詩或長于文能其一亦足
以名家矣至于詩與文兼長而又能合經史詞章而一之者
則自韓歐蘇曾虞揭諸君子而外殆不多覩焉若先生豈非
天所篤生以爲一時學者之宗乎先生爲人風裁高潔性情

易而尤愛惜人才培植士氣雖偏長薄藝亦獎勵交至惟
材之不就其肫誠懇摯待之一出于天性若不知其然
則光年二十三從先君子謁先生于京師辱先生所以
與詩之者甚至時先君子方出令山西先生爲贈序以寵其
行去後六年再見先生于太倉州而先君子已前卒先生執
子道故悽愴太息久之又三年先生重來京師嗣光亦以試
禮部至京先生示以春融堂集且命之序顧先生屢典文闈
門生通籍遍天下自惟謏陋無似不足窺見先生于萬一讀
先生文集乃益憬然于鉅儒之有數而爲一時學問之士幸
也嘉慶四年夏新城魯嗣光撰

文序

青盈不能無虛者天也有豐不能無嗇者地也有盛不能無

其者人也而維持於古今絕續之交綿綿延延虛而盈齋而
豐衰而盛者文章而已文章之途不一家弋功獵名者無論
已卽一二好奇嗜博之士瀏覽諸家弗求歸宿出其性情以
成其術業有失之隘者焉有失之偏者焉夫日羅載籍低首
寸心一名一物辨析于幾微疑似之間窮其理而致其曲僅
怡悅而已綱常名教何裨益乎甚或膠持已見入主出奴
一猶味棗栗之甘遽詆薑桂之辛烈也可乎哉述庵先生見
辟通邁根柢深厚方其少年結客名場東南耆舊俱及薰炙
之耳濡日染醞釀已深其後橐筆承明之廬得悉 國家掌
故因草損益大經大法及編撰典籍發凡起例半出先生手
定先生之遭遇可謂厚矣乃造物又恐其奇險之不備涉也
山狀之不盡窺也驅諸荒徼泮厲其精神振盪其胸臆山川

巖谷之阻鳥獸草木之奇妖星之灼人鬼雄之吐氣騰時在
心目間當夫餓馬悲鳴窮蠻夜哭先生惻然上帳請纓入關
奏凱先生凜然旬宣萬里司寇五年先生秩然嗚呼何其志
之大也何其文之偉也蓋嘗卽其閱歷徵諸篇章所著春融
堂文集又能貫串羣經陶鎔諸子考據之文期於綜古今也
辨論之文期於窮識見也闡幽抉奧之文期於教忠孝而動
鬼神也一代之典常四方之風土胥於是乎在徒驚其藻采
高翔猶淺之乎視斯集矣近日制古文家推袁簡齋朱梅崖
然簡齋失之徧梅崖失之隘先生文不名一家又無一家不
以其籠罩較二公固已勝之由是溯接鈍翁西河竹垞而上
馬韓歐之遺緒將賴先生以維持于絕續之交而不墜焉
區之心固不僅爲先生一時私幸也夫長白法式善序

△海內操觚之士其趨不出二端曰訓古之學曰詞章之學
週訓故者以詞章爲空疎而不屑爲工詞章者又以訓故爲
匱飢而不願爲膠執已見隱然若樹敵焉夫董生揚子與於
△於經未嘗不深匡鼎劉向遂于經於文未嘗不茂彼好爲
△共同交相訾議必其中有所歉淺之乎窺古人而意猶未盡
△也若去二者之弊又克兼二者之長則世頗難其人而人
且宜以爲法吾於侍郎述庵先生見之先生年三十成進士
又三年以奏賦授中書舍人入贊機庭出參幕府荷 朝廷
倚畀之重躋位卿貳雖事務殷奏戎馬倥傯無一日廢書所
過名山大川窮極幽阻暇則與賢士大夫相劇鏃凡可以爲
文之助者是并得失悉以自鏡蓋數十寒暑於茲門下士定
其所爲春融堂文集四十卷懷玉受而讀之其考古也覈其

尚論也嚴其扶獎人倫也力其擴發性情也摯 國家之掌
故與邊防之利病皆灼然洞本末自名公鉅卿以逮通人宿
儒志狀之出類得一言以爲華碑版流傳照耀四裔何其盛
歟先生治經淹貫衆說有九經揭櫫若干卷雅好碑版文字
貯金石粹編一百六十卷又哀輯平生師友詩文以行於世
凡百餘卷著述等身亦可謂富矣自其少時卽以說士爲己
任旣通顯有一藝來謁津津樂道弗置初不設畛域于胸故
人多樂從之游夫取諸人以爲善善莫大焉豈直爲文云爾
哉世之膠執已見交相訾議者讀先生之文必將驚其浩博
服其精審心折意消有不可及之歎以爲直能合訓故詞章
而爲一而非偏於習尙泥古而未融者所可相提並論也懷
玉謏陋不足究先生文辱知愛謂可與語敢就所見以相質

焉武進趙懷玉撰

詩序

余與述庵先生別又四年矣今年夏先生以觀察來秦遇于西安余請其集而讀之先生云我兩人以文字交久知我深者莫如君願道所以為詩之意弁于簡端嗚呼先生之詩學至矣余嘗聞其緒論曰詩之為道偏至者多兼工者少分節設葩各據所獲以自矜學陶韋者斥盤空硬語妥帖排奭為鹿學杜韓者又指不著一字盡得風流為弱入主出奴二者恒相笑亦互相紕也吾五言詩期于抒寫性情清真微妙而七言長句頗欲擬于大海迴瀾縱橫變化世之偏至者或以無譏也歟又曰士大夫畧解五七字輒以詩自命故詩教日卑吾之言詩也曰學曰才曰氣曰聲學以經史為主才以

運之氣以行之聲以宣之四者兼而弁陋生澀者庶不敢妄廁于壇坫乎又曰尊賢友士立懦廉頑後世誦詩所以尙論也如少陵之上哥舒翰贈張洎與蘇渙吾猶目以失言况其下者近代集中取友之嚴莫如亭林漁洋竹垞三公吾竊奉以為法焉蓋先生命意如此嗚呼誦先生之言可以知先生之詩矣余以丁卯定交于秦淮己巳從宿松假歸隨先生於吳門葢七八年山水之游花月之坐無不共也而先生乃以召試入內閣迄今計二十四年因舉其緒論以還質之俾誦是集者識所嚮往焉先生直內制掌機密最久既而立功邊徼受

聖天子不次之擢游歷中外臺而被服儒素專心風雅壹以詩教厲天下則是集實為質的由其論而思之詩學之盛必

有徵也於是乎書長洲吳泰來

余少工詩粗構一隅于古作者之波瀾房奧懵然未有所得
其後從家述庵游與之上下其議論不覺心開目明始得稍
稍窺見六義之指述庵之言曰詩之爲教雖小夫婦人一語
稱工輒能傳世而論其極則學士大夫窮老盡氣翦刻規撫
往往不逮唐宋以來號大家者代不數人斯其故何歟宋元
君之命史作畫也其始值值然不趨其旣解衣而槃礴鄭師
文之學琴也內得于心而外應于器彼皆全乎天者也文章
之能事惟詩境爲最闊而其感人亦最微若唐宋諸大家詩
外皆有事在當其休乎天釣而根器學問心精骨力悟詣才
鋒遂種種涌現于詩後之人乃逐影而求之詎有當歟述庵
性質篤厚而神觀超越懸解獨契能照澈古人心髓于千世

之上興酣搖筆急起而追之故持論如是蓋其宗法之高鑪
鑄之妙皆勝予數十籌而餘子之退舍却步又無足道矣曩
丁卯秋初與述庵會于長干水榭自後離合不常惟己午申
酉四年同客臨頓里過從極歡甲戌同居南宮予留京師而
述庵轉客濟南予送之廣寧門外執手悽咽悵悵不能去佇
立道旁望其車塵漸遠乃不于回寓今追憶恻怛如昨日事
蓋吾兩人離別未有如是之久者而述庵別後詩益奇合前
後所作都爲一集寄示予發而讀之奄有衆妙不名一體挹
風騷之趣規開寶之格而擺脫凌轍演迤涵躋于蘇陸之間
中有天焉而不可以人力與也洵乎其爲今代一大宗無疑
矣予入都以後詩如拙工之畫俗師之琴舐鉛和粉鉤弦柱
指而已天不存焉爾蓋離羣索居所得日以頽墮回念昔日

相從山游水汎塗嬉巷飲每遇會心狂呼大叫以相娛未知平生何日再得此樂序述庵之詩以貽之庶幾述庵之有以進予也嘉定弟鳴盛

詞序

詞者詩之餘也而古今才士多不能兼此二者有宋三百年間如美成邦卿君特公謹中仙叔夏諸君子卓然爲詞中大家而其詩率不傳惟姜堯章白石道人集陳君衡西麓漫稿詩差清曠可喜至眉山劍南偶作長短句亦未爲擅場甚矣人之才力有限而兼而工之者之難得也吾友王君述庵以詩名聞吳會間酒酣刻燭拈韻賦詩纏纏成數千百言間復倚聲樂府偷聲減字慢詞促拍一一叶于律呂其選言也新其立意也醇緣情體物之作清新婉約出入風雅有一唱三

歎之音予素不能詞而東南詞家多能識之吾鄉趙飲谷徵君王鳳喈孝廉長洲顧祿百上舍吳企晉外翰上海趙升之張策時兩文學尤其傑出不羣者顧於述庵之詞交口推服無間言信其詞之工而必傳于後無疑也述庵家在九峯三泖間有山可游有水可釣竹樹蕭森林木翳如又與溪朋酒友日相往來結樓吟嘯其中春秋佳日相與按蕢洲漁笛之譜和圭塘欸乃之集其得山水之助如此宜其詩詞之無不工也讀述庵之詞者無徒以詞人目之可矣嘉定錢大昕序

重修春融堂集序

乾隆中葉我五世祖文端公致仕里居與長洲沈文愨公主持風教垂二十年時則江浙有二大老之目又二十年而青浦王述庵先生繼之碩德耆儒後先鼎峙先生於吳中七子知名最蚤自文愨選其詩而名益起乾隆辛巳先文端祝釐入都訪先生寓齋談藝竟日時先公年已七十有六先生才三十八耳洎癸丑乞休年亦七十矣是時海內清平日與二三朋舊校刊所著書提獎後進遠近從游受業者虛往實歸坐席常滿蓋優游林下又十餘年先公而後東南壇坫之重未能或之先也

志澄

少聞先人論詩古文辭若辨證古碑

刻同異輒稱道先生私竊歎慕光緒甲申來宰青溪得縣志猶先生原本也喜甚因訪求未刻諸稿則子姓兵後式微遺

書板亦佚亡過半爲慨惜久之先生於學無所不通不屑屑於章句所箸金石萃編湖海文傳詩傳等詞章考據之屬如千種太倉州志銅政全書等掌故地里之屬如千種都五百餘卷並蚤刊行其未刊者若天下書院考法藏經籍志朝聞錄等稿本尙十餘種可謂富有矣此春融堂集六十八卷尤畢生心力所萃眇思自出不名一家而凡師友見聞身世離合之故與夫性情學術治行本原胥於是乎在近歲諸行省設局刊書徵求文獻吳自軍興來二百餘年老師宿儒專家鉅製若存若亾官私行本時時閒出先生遺箸諸舊刻亦頗掇拾流播於灰燼之餘或先後輯廁叢書中大較猶備獨是集傳本幾絕原板漫漶殘闕特多擬重刻之而難其費遷延至今夫興廢舉墜表彰前賢官師之責鄉人士君子之所宜

有事也今春有以修補是集爲請者遂愆愆之撥公款助劖劂不足則捐廉以要其成蓋距先生手校時已九十餘年吳平亦三十年矣是舉也不惟都人士故家喬木之懷不能自已抑亦先生博學孱守心得之精微有不可得而終闕者也刻旣成請爲之序自顧謏陋於先生之書茫乎莫測涯涘何能贊一辭獨念先文端之識先生始由錢文敏維城文敏爲先公乙丑所得士而先生實出其門又與我礪石少宗伯同官十數年時相倡和並選列於湖海詩傳中是則先生之於我錢氏仍世交親切劖最久余又適承乏於是獲觀斯集之成挂名其閒誠生平之厚幸而兩家文字淵源固宜爲邦人所樂而興起者雖甚無似其敢以不文辭爰述舊聞並次先生撰箸之大凡書諸簡首用自誌其景仰之私且使續訪遺

編者取證焉

光緒十有八年歲次壬辰十月嘉興錢志澄謹序

春融堂集序
青浦王蘭泉先生以名進士由
中外典領兵刑乾隆時
王師征緬甸征小金川先生皆與
其役崎嶇戎馬閒戰功甚多其陳臬江西以六十餘日決獄
百餘蓋文學武功政事三者兼長卓然為一代名臣非止以
著述傳也而著述亦自足千古先生少時與王鳳階吳企晉
錢竹汀趙升之曹來殷黃芳亭諸公齊名號吳中七子及在
京師與朱笥河互主騷壇有南王北朱之目海內知與不知
皆稱為蘭泉先生其所居曰春融堂蓋以刑部侍郎告歸
高廟有俟春融南歸之命述
天語誌
恩榮也故其所著
詩文全集即以春融堂名兵燹之後版本故在但殘缺不全
未能摹印於是其邑中諸君子謀補而全之會有閒款言於

補刻春融堂集序

青浦王蘭泉先生以名進士由
中外典領兵刑乾隆時
王師征緬甸征小金川先生皆與
其役崎嶇戎馬閒戰功甚多其陳臬江西以六十餘日決獄
百餘蓋文學武功政事三者兼長卓然為一代名臣非止以
著述傳也而著述亦自足千古先生少時與王鳳階吳企晉
錢竹汀趙升之曹來殷黃芳亭諸公齊名號吳中七子及在
京師與朱笥河互主騷壇有南王北朱之目海內知與不知
皆稱為蘭泉先生其所居曰春融堂蓋以刑部侍郎告歸
高廟有俟春融南歸之命述
天語誌
恩榮也故其所著
詩文全集即以春融堂名兵燹之後版本故在但殘缺不全
未能摹印於是其邑中諸君子謀補而全之會有閒款言於

邑侯錢怡甫大令鳩劖之工而從事焉怡甫大令念先生
爲其五世祖門下之門生而又與籀石侍郎同官數十年時
相唱和有累世通家之誼乃又捐廉俸以助其成缺者補之
漫漶者亦重刻之既畢工求序於余余之譎陋何足序先生
之書且先生之書亦豈以余言爲重哉惟余博觀宋代諸家
之集楊億括蒼武夷等集一百九十四卷而今止存武夷新
集二十卷曾肇曲阜等集九十二卷今止存四卷李薦濟南
集二十卷而今止存八卷張舜民畫墁集一百卷而今亦止
存八卷其甚者晏殊文集多至二百四十卷而今止存一卷
卽幸而如王禹偁之小畜集固尙完善而此外集十三卷則
自第一卷至第六卷皆闕矣沈括之長興集亦尙可讀而卷
一至卷十二並闕卷三十一又闕卷三十三至四十一又闕

則闕至二十二卷之多矣夫自唐季至五代卽有雕印書籍
之事貫休禪月集方外之書尙爲刻印流傳則宋代名公之
集自必皆有刻本乃任其殘缺不爲補刊當時士大夫不得
辭其責矣青邑諸君子惓惓於鄉衮之遺書不敢廢墜此固
先生之珠光劍氣自不可掩而諸君子抱殘守闕之功與怡
甫大令篤念故家興廢舉墜之雅意亦有不可沒者矣先生
之書雖不以余言爲重而補刻先生集之盛舉則不可不著
余所以不辭而爲之序也

光緒十有八年歲在元默執徐閏月德清俞樾

昔昌黎有言曰莫為之前雖美勿彰莫為之後雖盛勿傳曾大父司寇公告歸後多所著書版藏於家而春融堂集亦一鉅集也乃自庚申之變東西奔難所有家藏書版輒攜自隨而平定後已多散佚即是集計亡三百餘簡時先徵君正擬脩補旋以疾作未竟僅完金石萃編而是集則有志焉而未逮也惟於祠旁隙地植桑百株期以三年將其息脩春融堂集而數年來家貧多故補刻無資常以不克仰承先志為憾迨至今春青珠兩書院有餘存公款而同邑金君文潮創議移資補刻因商諸同學諸君子以請諸錢邑侯而陳君秉鈞吳君昌麟金君福澄又共襄其事議定景禧因得與甥婿張生宗浩葉生其昶檢理原版散亡者補之剝蝕者脩之第以刻資較鉅公款不敷皆賴錢邑侯捐俸助資其功始得以告

春興
一
竣焉而其間較對者則又陳君邦樞汪君永年徐君昌照朱君宮泮寶善金君福涵諸君力也景禧忝為後裔庸劣無能幸得諸君子贊襄之力而曾大父之著作俾得脩葺成編豈非賴有為之後者而書之得以傳耶此固景禧之幸亦即曾大父之幸也敢不謹識之以示不忘哉
光緒十八年歲次壬辰孟冬月曾孫王景禧謹識

序

先生自通籍登仕途四十餘載跋歷中外文事武畧皆能以功名自顯而學問文章之業未嘗一日忘鞅掌之餘更勤著撰纂緝積至數篋迨七十歲乞身歸田又復兩入京師還主婁東敷文兩書院兼修志乘故前所著撰久欲詮次而未果及在敷文目漸眚乃亟請同志者考定編纂而春融堂集亦以次編成綜計先生編撰春融堂集而外若金石萃編琴畫樓詞鈔青浦詩傳湖海詩傳明詞綜國朝詞綜俱已剞劂行世其餘尚有四十餘種彙藏於家等身之富不足多矣今先生已歸道山諸同志請將年譜刻於詩文集之末以資讀者瀏覽錄譜寄示榮忝在館甥已將三紀先生事蹟固已熟志之而乾隆辛巳癸未丙戌間先生門下士景孝廉人龍嘗

敘元生籍貫履歷以為譜越十餘年先生在蜀族弟啓焜又續譜之更十餘年今泉州太守王君紹蘭又為增撰然此三本所載間有參差出入而各人紀載之法亦殊榮不自量竊欲合為全譜以示來茲乃於公餘之暇詳悉考核釐為二卷附諸集末其中稱謂皆以榮為定蓋先生同朝之侶暨同學之士多與榮兩世科第親戚相關也昔唐李侍郎漢為韓文公壻且中其門下今榮奉侍周旋日久固與受業者同而見聞親切較之前三君所紀為詳將來徵文考獻知人論世或可取于此焉

初進士出身浙江金華府知府前翰林院編修兼撰文充一錄館修官子壻嚴榮謹序

述庵先生年譜上

吳縣 嚴 榮 瑞唐編

先生名昶字德甫號述庵又因有蘭泉書屋琴德居故時亦以為號焉先世居浙江蘭溪縣高祖懋忠字思岡始遷江南松江青浦縣西珠街角鎮曾祖之輔字幼清 贈資政大夫大理寺卿 晉贈光祿大夫刑部右侍郎祖與字魯淵父士毅字鴻遠皆 敕贈文林郎內閣中書舍人再 贈奉直大夫吏部考功司主事三 贈資政大夫大理寺卿 晉贈光祿大夫刑部右侍郎曾祖母雷氏祖母沈氏嫡母陸氏生母錢氏皆 晉封至一品夫人三代事實詳馬庶常曾魯所撰行狀及盧學士文昭墓志錢少詹事大昕神道碑中

雍正二年甲辰先生以十一月二十二日未時生時光祿公
年四十有五尚乏嗣春游杭州禱於靈隱寺夢人授之蘭明
日市蘭以歸逾兩旬蘭茁笋二一才出土殞其一長尺五六
寸許葉森森如巨竹狀及夏沙燕栖於楹同窠而異穴人以
為祥至冬陸太夫人孕男不育而錢太夫人生先生

三年乙巳二歲

四年丙午三歲

五年丁未四歲光祿公授以宋周伯弼所選三體詩兩月而
畢

六年戊申五歲讀楊用修廿一史彈詞粗知歷朝事及古今
名賢崖畧

七年己酉六歲少喜戲善病是年九劇

八年庚戌七歲就傅從同邑姜受百秀才 鵬源 受業

九年辛亥八歲

十年壬子九歲

十一年癸丑十歲

十二年甲寅十一歲

十三年乙卯十二歲

乾隆元年丙辰十三歲從同邑胡墅東貢生 王道 受業時初
學制舉義矣先是光祿公撰集史記屈原以後迄於明季凡
正人君子一百二十人為百世師錄塾中歸每日授二三十
行

二年丁巳十四歲

三年戊午十五歲從崑山蔡文舟貢生 龍 受業

四年己未十六歲光祿公年六十

五年庚申十七歲從同邑陳穎傳貢生麟詩受業秋試於府

為知府山西劉君堯齋所知拔置第一

六年辛酉十八歲二月應院試學政工部侍郎桐城張公廷

珠以第一名入學先生先於蔡貢生館中得東野堂韓集歸

震川集張炎山中白雲詞讀而愛之至是乃始學為詩詞

七年壬戌十九歲秋游神余橫雲諸山汎泖湖作詩多效陶

謝王孟體同里張行人梁劇獎賞之

八年癸亥二十歲先生曾祖阡在吳縣靈巖山後硯山西獅

峯以春日祭掃遂游支硎光福石湖諸勝

九年甲子二十一歲正月娶鄒夫人夫人為宋龍圖閣直學

士鄒忠公裔申蕃先生維翰之女居元和縣章練塘其閱閱

世德詳無錫鄒氏家譜二月從光祿公游西湖入雲隱天竺

抵韜光寺得詩十數篇乃彙前所作編為蘭泉言屋集四月

光祿公病八月二十二日逝時先生侍疾日久哀勞彌甚瘡

痢交作十一月生子肇春

十年乙丑二十二歲正月肇春殤

十一年丙寅二十三歲十一月服除先生居喪讀禮不作詩

文

十二年丁卯二十四歲褚左峩秀才廷璋見先生詩詞屬先

生族兄鳳喈秀才鳴盛移書相贈三月在長洲謁蔣迪大恭

楊文叔繩武兩編修勸學古人以宋文憲為法八月應江

寧鄉試國子監祭酒尹公曾一為學政錄科第三長洲吳企

晉教諭秦來來定交報罷後往宜興游西泖菴畫溪明勝因

摹國山碑以歸金石之好蓋自此始

十三年戊辰二十五歲二月學政兵部侍郎莊公有恭試

取第六補增廣生乃與張策時秀才熙純趙升之秀才文哲

凌叔子秀才應曾輩十六人為文酒之會三月游虞山還訪

陳見復進士祖范五月見惠定宇秀才棟因識沈冠雲貢生

形李客山布衣果定宇博通經術于漢學最深冠雲通三禮

又與客山竝以古文稱自是潛心經術吳下詩人年齒倍于

先生者亦多為忘年友

十四年己巳二十六歲巡撫宗室雅爾哈善課所屬州縣諸

生能文者取入紫陽書院肄業先生試第一監察御史王公

次山峻為院長同院中如褚增升秀才寅亮錢曉徵秀才大

所曹來殷秀才仁虎皆以經術詩古文互相砥礪

十五年庚午二十七歲四月學政國子監祭酒蒲坂崔公紀

科試取第一補廩膳生五月禮部侍郎沈公歸愚德潛以年

八表 予告歸鳳喈曉徵來殷及先生皆游其門

十六年辛未二十八歲王公次山以病歸常熟沈公歸愚為

院長春二月 鑿輅南巡曉徵摺升獻賦 行在先生以病

未及與試秋沈公甄錄先生鳳喈企晉曉徵升之末殷及上

海黃芳亭孝廉文蓮詩為吳中七子詩選企晉別業遂初園

在木瀆擅花木水石之勝清瑤池館小查山閣尤幽秀先生

定宇鳳喈曉徵來殷及張古樵剛沙斗初維杓諸公往游文

酒之盛為吳中數十年來所未有自庚午至是兩年詩編為

三泖漁莊集

十七年壬申二十九歲恭遇

皇太后六十萬壽以春二月舉鄉試正月偕企晉赴金陵寶山朱觀展孝廉桓復大會諸名士于秦淮凡二百四十餘人

為江南友聲二集先生與焉四月銅山周貢生毓峇經學

薦抵吳來相見九月莊公復任學政歲試第六試詩第一

十八年癸酉三十歲先生館于朱適庭上舍昂疎雨其弟

肅徵菴恭子孟容履長仲霖用雨皆受業三月學政一政位

寧化雷公鑑科試第三試詩賦經學皆第一七月赴金陵與

陶衡川秀才湘嚴東有秀才長明及程魚門秀才晉芳定交

鄉試中式第十一名正考官內閣學士禮部侍郎蒙古夢公

麟副考官翰林院檢討定興王公太岳同考官如臯縣知縣

海寧陳公現十一月由鎮江揚州至如臯陳公以公事出特

族弟南明啓焜留於署者十餘日邑中姜靜宰孝廉恭壽

篤周貢生增祐輩皆舊交同游水繪園弔辟疆遺跡為詩以

紀其事時夢公已任學政十二月還至江陰往謁公出午塘

集屬序且詢吳下諸文士先生以企晉升之策時東有告焉

江陰翁霽堂徵君照年七十餘夙與先生交好至是訪之盤

花旋竹兩日而行是冬刻鄭學齋集

十九年甲戌三十一歲正月北上二月抵京師禮部侍郎無

錫秦公蕙田方仿徐氏讀禮通考之例纂五禮通考屬先生

修吉禮三月會試內閣學士鄒公一桂知貢舉正考官大學

士海寧陳公世信副考官禮部侍郎滿洲介公福內閣學士

武進錢公維城榜發先生中二十四名鳳喙曉徵皆中式同

考官為給事中臨川李公友棠時先生名滿輦下秀水諸襄

七贊善錦嘉興鄭炳也編修虎文保昌胡靜園御史定以文

章風節名皆愛重先生而內閣學士仁和金公德英尤數招往談讌因與秀水錢坤一編修載王受銘舍人又曾鉛山蔣

心餘孝廉士銓友善四月試於太和殿讀卷官為大學士

滿洲來公保大學士溧陽史公貽直協辦大學士刑部尚書

滿洲阿公克敦協辦大學士戶部尚書常熟蔣公傳刑部尚

書諸城劉公統勳戶部侍郎武進劉公綸兵部侍郎安公李

公清芬刑部侍郎漳州蔡公新工部侍郎新建裘公日飲

陳介錢三公先生以莊君培恩榜二甲第七名成進士

朝考於保和殿欽定第三名因驗看揀選入三等不得

用歸本班候銓選仍寓秦氏味經軒月餘山東吳凌雲運使

上功以書幣來請乃赴濟南運使使其子廷韓玉綸及楊星

標懷棟受業署中經史頗具又一嶧南山水名天下先生益確

心經術暇日偕其徒游大明砌離華橋柳絮諸泉之勝光

寺卿沈公子大起元為灤源書院院長號善言易者見先生

如夙契也十月以辭家久歸省抵蘇州而陸太夫人已于是

月二十四日逝矣先生既痛不能侍疾又不及躬視含殮終

天之恨慟不欲生云是年詩編為履二齋集

二十年乙亥三十二歲居憂夢公約往校文兩淮盧雅雨運

使見曾邀往揚州皆不赴吳縣汪心揆秀才為善偕其弟應

奎與受業於先生沈公歸愚所刻七子詩選流傳日本大學

頭默真迦見而嗜之附書番舶以上沈公又每人寄憶一詩

寄先生云新吟兩卷重麻沙海雨江風入齒牙洵有詩書歸

典則偶將烟月鬪芳華人如句曲陶宏景詞比新宮蔡少霞

我欲據梧同詠嘯滄溟何處覓靈槎

二十一年丙子三十三歲冬將釋服乃赴揚州運使之招

二十二年丁丑三十四歲運使使其子及孫受業時程午橋

編修夢星馬秋玉同知日瑄佩兮日璐兩兄弟江賓谷首生

昱于九兩兄弟及其家橙里昉聖言炎汪對琴秀才棟臨

潼張榆山貢生四科為地主酒坐詩場于斯為盛二月鑿

輅南巡召試獻賦諸生兵部侍郎李公因培任學政以先

生所獻迎鑿詩賦進呈三月召至江寧試精理亦道

心賦鴻漸于逵詩經義制事異同論命乞養在籍協辦大

學士吏部尚書錢塘梁公詩正兩江總督滿洲尹公繼善左

副都御史諸城寶公光閱卷欽定一等第一賜內閣

中書舍人即用同賜官者為曹仁虎韋謙恆吳省欽褚廷

璋吳寬徐日璉凡七人四月歸里六月復往江寧寓袁子才

明府枚隨園見總督尹公時程綿莊徵士廷通易頗不喜

象數先生與之申鄭虞之說無以難也訪新建呂青陽布衣

泰得其十學薪傳以歸八月赴錢塘謁梁公於里第天台齊

次風侍郎召南方為敷文院長杭大宗編修世亦家居先

生往見之佛者讓山象玉居萬峯山房大恆明中居淨慈寺

以詩畫名先生過精舍盤旋移日居二旬至吳下寓蘋花水

閣歸九月鄒夫人病瘵日久不離牀蓐扶掖湯藥左右需人

錢太夫人謀置簷室以供指使於是納許孺人踰月將為北

行計因往江陰辭學政李公遂出大江泝圖山而下過焦山

鐵機上人畱信宿去抵揚州仍寓運使署中而紅橋篠園平

山堂亭榭花木風景益勝運使屬撰紅橋小志以紀其盛焉

是年在揚州度歲

二十二年戊寅三十五歲正月無錫顧震滄司業棟高來揚

州以所註尚書屬考定居數日東還奉錢太夫人北行四月

閏座主陳公子告南還薨于途次謚文勤五月抵京師寓

椿樹衢衙八月夢公以兵部侍郎卒于位梁元穎侍講同書

梁公長君也工詩善書法性幽澹不妄與人往還而獨與先

生甚密十一月補授中書編丁丑戊寅詩為述庵集

二十四年己卯三十六歲先是梁公以工部尚書召入都

旋改兵部二月招先生館于邸第校勘續文獻通考大學士

溧陽史公常熟蔣公皆以國士相待是秋回部平奉旨加

一級都中以經術文章名者莊方耕閣學存與申拂珊府丞

甫盧紹弓中允文帝楊二憲編修述曾紀曉嵐編修時朱美

叔編修筠石君珪馮君弼寺丞廷丞祝豫堂舍人維詰吳荀

叔舍人順皆來數晨夕連茵接軫聞者慕之四月考試差于

乾清宮閣部翰詹科道各衙門進士出身者凡一百五十

餘人

上定先生第一八月充順天鄉試同考官正考官錢塘梁公

副考官左都御史滿洲觀公保先生分校詩經五房得彭光

斗吳璜夢吉等十一人九月協辦內閣侍讀十一月直軍機

房是月詔修通鑑輯覽以先生為纂修官

一十五年庚辰三十七歲

皇太后萬壽開科四月試各衙門諸臣于圓明園正大光

明殿太倉邵鴻箴編修嗣宗第一嘉興謝崑城編修壩次之

先生弟三八月復充順天鄉試同考官正考官戶部尚書武

進劉公綸副考官禮部侍郎介公福先生分校詩經四房得

申兆定白麟等十人是月初七日鄒夫人卒年三十六歲十月遷吉土教子衡衙趙給事吉土寄園故址屋內古木八九章

皆數白年物先生署其室曰蒲褐山房日聞思精舍境地深

靚市屋隔絕先後與趙雲松編修翼翁振三編修方綱及族

子萃心宸為鄰蓬心麓臺侍郎原祁曾孫為作圖以贈良朋

萃山黃葉盈除爐香斷續儵然如在外也先生作八絕句

以之後門人烏程張漢宣彤書之而刻置於壁十一月

重詔加一級詔輯同文志以蒙古額魯特回部三種

字公國語證以漢字凡天地山川器物等名用三合切其

音又為註釋而疏通之先生兼充纂修官時秀水尚書錢公

原以祝

釐入都造訪寓齋輒譚藝竟日

二十六年辛巳三十八歲春三月充會試同考官正考官諸

城劉公統勳副考官戶部侍郎金壇于公敏中及觀公保先

生分校詩經三房得孫嘉樂馬曾魯吳興宗黃楷等十一人

是年於會試薦卷中錄其佳者為中書舍人學正等官得沈

世燾等四人而吳廷韓汪心揆亦成進士授庶吉士五月京

察一等奉旨加一級七月心揆歿於京邸是年春納陸孺

人

二十七年壬午三十九歲三月座主介公卒四月復試各衙

門諸臣于乾清宮翁振三編修第一張懷月舍人霽次之

先生第三五月生女粹卿名慧仁陸孺人出八月又充順天

鄉試同考官正考官梁公詩正副考官觀公保先生分校尚

書三房得景人龍施朝榦達勇等十一人冬十二月大學士

公傳極奏請以主事用刑部尚書舒公赫德請為其屬時人士造謁者甚眾而先生閑靜狷介非文行有志節者謝弗見以是入其室研席蕭然風味不啻書生也

二十八年癸未四十歲二月充會試同考官蓋自己卯庚辰辛巳壬午連年五次黜充同考論者謂自來名翰林所未有以入李文公卓異記也正考官刑部尚書秦公蕙田副考官戶部侍郎仁和玉公際華吏部侍郎滿洲德公保先生分校春秋二房得吳霽揚慰蔣鳴鹿甯有誠等十一人是年廣西湖南雲南貴州文鮮佳者秦公彙諸房遺卷屬先生合校之緣是同考者頗不悅五月二十一日

上啓蹕幸熱河先生從八月十六日隨輦進木蘭較獵八月二十二日還京師十一月梁公薨于位謚文莊晉贈

太傅

二十九年甲申四十一歲二月補授刑部山東司主事兼辦

秋番處隨駕詣

泰陵往還凡十九日撰西陵扈從記一卷四月京察一等七

月初八日又隨往木蘭陳星齋通政兆崙以上書房隨

蹕途次恆有倡和九月還京師十月充方畧館收掌官十一

月紹興商寶意太守盤授雲南知府寶意老詩人先生集同

人盤於畢秋帆修撰沅疎雨樓以詩送行寶意稱先生詩為

最元是三藏聖教中頗有俚俗猥瑣者

上命諸城劉公詳加刪定公以屬先生與汪康古舍人孟錫

取經律論按日排閱凡六閱月而畢擬刪唐智昇開元釋教

錄不出五卷因開元釋教錄已入藏元僧祥邁辨偽錄六卷辨道士邱處機李志

堂 子非毀佛法之偽 明永樂製序讚文一卷奏進

而 冊述楊璉真伽 上從之先生素通禪理及是三乘七部窮源溯流於宗教性

相之旨益淹貫融洽矣自已卯至是六年詩編為蒲褐山房

集

三十年乙酉四十二歲五月京察一等奉 旨加一級六月

充方畧館提調官七月復隨往木蘭是秋彭君 光斗 為福建

永定知縣鄉試分校得林崑瓊等七人

三十一年丙戌四十三歲二月

上詣

東陵還駐盤山先生從視河淀三月還京師四月西域同文

志告成議敘奉 旨加一級是月陞授刑部浙江司員外郎

戶部員外郎西紳素以譎獷稱與兄西慶有鄰會其三月幼

孫死孫之乳嫗西慶妾之嫂也欲藉以誣西慶主謀故殺刑

其乳嫗并及其夫酷甚將誣認先生不可大學士諸城劉公

暨者刑部尚書李公 侍堯 乃使諸司十三人覆驗果無毒狀

於是僅坐乳嫗壓斃罪餘皆得釋七月二十九日陸孺人歿

二十二年丁亥四十四歲春陞授刑部江西司郎中

上幸天津先生從七月復隨往木蘭陸璞堂秀才 伯焜 來京

師寓蒲褐山房璞堂文定公 樹聲 七世孫而再從兄 本蕃 之

女夫也十月兼校經咒館

上稽古右文尤深梵筴開經咒館 令章嘉國師偕其徒重

譯首楞嚴經及諸經秘密咒語凡漢唐文字番僧所未通須

講解之故有是職是年納黃孺人自乙酉至是年詩為聞思

精舍集

二十三年戊子四十五歲四月京察一等奉 旨加一級又
 奉 旨交軍機處以道府記名開續三通館凡纂修條例屬
 先生與褚君左峩撰定而奏進之七月兩淮鹽使提引事發
 允生與趙君升之坐言語不密罷職時緬甸未靖 詔以伊
 犁將軍阿公桂為兵部尚書定邊右副將軍總督雲南貴州
 阿公文勤公克敦子也素知先生學問幹濟由是請以從
 詔許之十月初十日發京師十二月二十四日入滇境二十
 七日始抵雲南府先生所歷楚黔諸境搜奇覓險詩益富取
 韓詩外傳饑者歌食勞者歌事之意名曰勞歌集迄於凱還
 而止蔣舜游檢討 鳴鹿序之以為屈子之騷問杜陵之詩史
 彙而成此

三十四年己丑四十六歲正月初三日由雲南府起程十一

日過下關十八日抵永昌阿公已出萬仞關往止丹山襲擊
 緬夷村寨三月初三日往騰越赴阿公招也頃之得 旨命
 大學士忠勇傅公恆為經畧四月初八日傅公由龍陵赴騰
 越巡閱沿邊形勢而阿公赴大理簡視馬匹先生從十八日
 還至永昌二十一日還至騰越七月初猛拱土司遣兵頭目
 脫猛烏猛來降請早發而右副將軍以二十日啓行二十三
 日抵越暹酷暑明日出銅壁關抵野牛壩時連旬大雨八月
 初十日抵蠻暮九月十八日水師出江口賊來逆戰擊敗之
 十月初一日傅公阿公里袞至江西岸初十日合擊賊於江
 中殲其頭目賓啞得諾獲軍械器物無算十一月十九日棚
 酋惜駁以書乞降經畧副將軍乃屬先生偕孫補山侍讀士
 毅草檄諭惜駁允其降而

上先以將帥士卒染瘴病歿者甚眾不宜冒昧進兵下詔班師十二月還永昌

三十五年庚寅四十七歲先是傅公還至省城得旨令同阿公籌安邊善後事宜乃以正月初四日啓行十二日抵省定議入奏而各省兵之在邊者尚未盡撤阿公復還永昌先生同行至趙州取道詣雞足山謁大迦葉尊者道場止於石淙遍游悉檀傳衣五大寺由御孫梯陟金頂望西域雪山杳渺雲際二月初三日永昌乘暇游金雞村云是呂凱故居也浴於溫泉又登太保山諸葛忠武侯祠沙河寶山寺及龍泉亭諸勝而

上以撤兵三月緬酋貢表未至令彰總督寶遣守備蘇爾相持檄往責之緬酋留蘇爾相阿公乃復馳赴邊徼九月緬酋

遣夷人具稟阿公請暫止襲擊之舉分兵駐各關隘十一月如騰越先生暇時過毘盧寺觀疊水河懸瀑又城中有家梅甚古城南有金家松屈曲如蟠螭恆攜酒榼吟嘯其念氏子弟出見者爲指示文章流別是年浙江石門知縣與鄉試分校得莫大邦等七人江西弋陽知縣吳與戴心亨等八人自戊子從軍至是年正月凡山川風土行實調發一一紀載成滇行目錄三卷征緬紀聞三卷

三十六年辛卯四十八歲時大兵久撤幕府清閒乃借性理大全語類或問王文成公集讀之求天人性命修身立行之要六月阿公罷用理藩院尚書溫公福代之八月溫公至永昌復奏留佐軍事會四川小金川土司澤旺之子僧格來指沃日咒詛發兵盡佔其地竝侵據明正土司濃等寨而公

川應襲土司索諾木亦併革什咱殺其土司

上命溫公移師赴四川督辦溫公請以先生行九月二十五

日與趙君升之暨中書舍人王君丹宸日杏發永昌行次合

江諸生段雲程午夜來送先生惘然占一絕贈之四川鄉試

孫君嘉樂為副考官得葛良杰等六十人途次來謁者甚眾

十月初九日奉旨賞給主事隨往四川軍營辦事二十日

抵成都二十四日選授吏部考功司主事十一月

萬壽恩詔加一級赴西路進討自過灌縣路皆在山腰峭折

如綫下俯絕澗又連日冰雪凝凍騎馬險滑無比十二月

二日僧格桑遣人訴沃日詛害狀溫公屬先生作檄斥其罪

十五日師克斑斕山抵達圍破斯當安進攻日耳寨除夕烽

火滿山鎗礮如雷雨聞呼戰聲殷山谷也至此著蜀徼紀聞

四卷是年吳典宗分校得黃壽齡等八人黃楷分校得張敬止等七人

三十七年壬辰四十九歲正月在日耳二月參贊大臣五公

與溫公評訟詔罷五公命阿公往北山木雅斯底代

統其眾先生從阿公督兵緣山而下築卡斷日耳賊人來往

路三月初九日賊遯退據阿喀木雅十一日賊復棄寨去溫

公從中路攻木蘭壩阿公循北山攻美美卡卡北有東瑪色

渠諸壩為別思滿賊人來路與美美互援應亦次第攻之科

爾沁親王色布騰巴爾珠爾及兵部尚書果毅豐公額以

鞫五公事來于軍時南路總督桂公林統兵次達烏賊據險

久不能克乃以兵三千屬參將薛琮從墨壘溝經郭舟山欲

出賊後既行大雨雪兵無繼者金川賊人由格六占來援絕

後路糧盡全軍皆沒

上削桂公職趣阿公督南路兵阿公奏以先生從五月十八日自阿喀木雅啓行二十三日抵成都六月初四日抵卡了接到部咨于進勦小金川攻克斯底葉安案內議敘軍功加一級紀錄二次八月接到部咨于攻克東瑪案內議敘軍功加一級紀錄二次十月接到部咨于攻克資哩案內議敘軍功加一級紀錄二次時計達烏久不攻賊必無備乃於十月初四日子刻潛師渡溪據其碉卡翁古爾壘之賊亦恆戰遂破其柵二十四日復以皮船渡水破僧格宗番人來降皆釋勿殺其得戶口六千餘十二月初五日克美諾僧格桑去占固溫公亦克蒙固寨屈美諾會師僧格桑遁入金川澤江降械送京師十三日進討金川議分三路溫公偕參贊舒

其由工喀阿公偕參贊明亮由當噶豐公偕參贊舒常往綽

大義勗以殫心軍事今從軍已五年矣請量加拔擢至是旨以吏部員外郎陞用二十一日哈君病歿于占固哈

君本回人勇敢識兵機善馭邊夷軍中皆惜之奉旨以海

蘭察代焉二十四日還至僧格宗二十九日進次郎車爾宗

臘杪聞座主錢公以十一月病卒是年四月許孺人病歿

三十八年矣已五十歲正月初一日從師由美諾進發次當

嶺山山脊長幾二十里賊排十四碉于上絕險處鎗礮可互

相援也二十日攻最西山峯克之二月二十六日三月二十

一日攻中兩大碉又克之官兵營壘與賊錯處山脊上兵少

弗能徑下自春徂夏雨雪甚賊碉在雲霧中碉下徑仄而陷

兩久沉滑如飭故久之未盡克而將軍溫公自空喀移兵木
 果木屢攻不得利賊煽小金川人各反其地先侵登達占固
 提督董君天弼赴水死遂分寇登春八卦碣海君與總督奪
 隘出溫公兵潰出營數里而歿吳君黃趙君升之王君丹宸
 歿於事蓋六月初十日也是月接到部咨于攻克翁古爾壘
 案內議敘軍功加一級紀錄二次金川既得美諾乃悉其眾
 以犯當噶兵皆力戰賊不能逞參將劉輝祖率一百四十餘
 人拒之自亥迄寅殺傷賊二百餘而領隊大臣奎公林於色
 木則隘口拒賊日十餘接皆有殺傷賊畏當噶兵堅遂乞降
 阿公知當噶不可守姑如其請七月初一日撤至翁古爾壘
 阿公奏沃日係進討正路請往覲師十五日自翁古爾壘行
 先生從抵成都署按察使顧君晴沙光旭先為死事諸大臣

立祠草堂寺側名慰忠且索先生撰碑文先生往奠哭之二
 十八日西行接到部咨于攻克僧格宗案內從優議敘軍功
 加二級時晨夕得警報而 詔旨詢問無虛日先生口行三
 四站夜則具章奏治文書以是得疾八月初七日抵日隆關
 稍瘳是月接到部咨于攻克美諾案內從優議敘軍功加二
 級

上發吉林索倫及京城健銳火器兩營又陝楚兵共一萬六
 千南路以明公亮為副將軍故侯副都統富公德為參贊大
 臣其綽斯甲路副將軍參贊如故十月二十七日分兵進討
 烏什哈達等先進襲美美卡據之額君森特由資哩克阿喀
 木雅及沃日海君蘭察克北山之碩藏噶阿克爾布里合兵
 上據兜烏十一月初八日兵至大板昭僧格桑復竄入金川

蓋八日而小金川地悉平是月補授吏部稽勳司員外郎議
攻金川以明年正月三路合力進攻是時得家書具知京城
冬暖太夫人聞收復小金川捷為加餐飯

三十九年甲午五十一歲正月朔自美諾啓行初十日抵谷
噶駐營時大雪賊拒喇穆都統海君等督兵進攻克之九月
接到部咨于收復美諾案內加一級紀錄二次時都統兵又
攻遜克爾宗十月潛以兵旁上穆果爾山遂克日爾巴當噶
抵達爾札克與參贊大臣五公代兵合十一月克格魯古出
滅金嶺後賊人遁乘勢下至江岸明公亮至宜喜與參贊舒
公出賊不意攻破數礮賊堅守又移兵攻日旁克之距大江
不遠與西路兵烟火相望也刑部侍郎袁公愚谷守伺四月
中按事來川 詔令便赴軍營跡狀袁君知軍贖皆先生

手所辦回奏

上嘉之有 旨垂問阿公覆奏得 旨擢吏部郎中是年七

月戶部郎中孫嘉樂督學雲南八月鄉試侍講白麟典試河

南得劉師柔等七十人中允吉典試山西得閻安寅等五

十人浙江蘭溪知縣耿學模鄉試分校得唐燦等七人慶元

知縣熊珍分校得沈景熊等六人前任分巡廣東肇羅道彭

君樂齋端淑蜀中靈光也以詩古文稱教授成都寓書來與

先生定交

四十年乙未五十二歲正月在密喇噶喇木軍營四月明公
等由宜喜下攻盡克達爾圖基木斯丹當噶俄坡甲索而西
路官兵亦於十五日克擦庸羣尼十九日克木思工噶克二
十一日克下巴木通五月十二日又克遜克爾宗六月先生

補吏部文選司郎中七月十二日進攻勒烏圍八月十六日克勒烏圍賊巢九月初七日克莫古魯及達烏達圍各碉閘十月十四日克西里十二月官兵上格隆古山梁科布曲碉寨悉下十七日克則朗噶克下壓雍中喇嘛寺取之索諾木之母阿倉及姑阿青時在河西甲雜路斷不能歸二十日來降於是移大營於噶喇依之上即乾隆十三年金川方畧內所稱刮耳崖而北路官兵亦進取河西之地兵至噶喇依對岸南路官兵取馬那曾達進至噶喇依南移巨礮築長圍合力攻擊是年編勞歌

集

四十一年丙申五十三歲正月在噶喇依軍營接到部咨于攻克勒烏圍案內議敘軍功加二級又于攻克噶喇依案內從優議敘軍功加二級又於金川蕩平案內奉 恩詔加一

級時西南北三路官兵會合四面力攻橫橋長塹水陸俱斷索諾木兄莎羅奔岡達克索諾木明楚克等相繼投出二月合攻益急初四日味爽索諾木率其兄爽爾瓦沃雜爾弟斯丹巴妻巴底土妹得什安木楚及大頭人丹巴訛雜爾並餘衆二千餘人齋印出降僧格桑先病死并以其首獻是晚用八百里馳奏紅旂告捷兩金川地悉平先生在軍營前後九年和平簡易自科爾沁親王及副將軍參贊大臣等無不親而重之三月初二日自噶喇依班師道路皆設戲棚燈彩以志凱樂十四日抵省吳河之學使省欽曹荔帷員外焜顧晴沙臬使排日置酒楊笠湖刺史潮觀沈太守清任彭樂齋觀察幫展畢至頗盡譚讌之樂二十日自成都啓程四月初四日抵西安袁侍郎愚谷方從甘肅使回至此王夢樓太守文

年譜上
嚴東有侍讀皆在巡撫畢公署置酒觀劇二八遞進逮更
餘始別初六日寅刻抵臨潼浴于溫泉二十三日至良鄉之
雲店二十六日

上令工大臣等 賜凱旋諸將佐飯二十七日 駕至黃新
莊邓勞先生用戎服行禮 賜茶次日至京師見太夫人康
強如故喜心翻倒不覺流涕被面也二十九日

上遣皇子獻俘

太監五月初一日

上御午門受俘訊於瀛臺刑部以逆曾兄弟久抗顏行罪不
赦殊死懸首藁街是日

上幸紫光閣 賜宴作四齋之樂宴畢復被白金緞匹朝珠
荷包之賜初五日得 旨吏部郎中王昶久在軍營著有勞

著陸授鴻臚寺卿賞戴花翎在軍機處行走是時由科甲
出身 賜花翎者惟大學士金壇于公及先生而已謝 恩

召見詢軍營前後八年事甚詳是月

上命纂正川方畧充總修官月杪濕瘡發臥牀第者三旬餘
七月擢通政使司副使時

上已幸熱河乃馳往謝 恩 召對問蘇松風俗及王鴻緒
張照各家事並九峯三泖形勝若何詳對久之 命隨獵木

蘭復蒙 召見再詢溫福軍營潰亂南路何以獲全軍而出
至以副將劉輝祖劉倬及奎林等力戰之功且奎林能與士
卒同甘苦致士心堅定故然

上笑曰奎林原有成勞但性情怪異耳獵畢 命入大樹園

延宴觀烟火回至京師先生自庚辰秋寓教子衡衡凡十有

七年至是移寓爛麪衙衙京洛名流如陸健男學士鈞熊金

輔之殿撰榜周書昌編修永年戴東原庶常震任幼植吏部

大椿洪素人刑部朴及其弟舍人榜張商言舍人垣吳泉之

助教省蘭吳竹橋上舍蔚光吳胥石季廉蘭庭及門人張漢

宣彤黃仲則景仁胡元謹量執經譚菽文酒之盛如初

四十二年丁酉五十四歲自丙申小除日瘡疾復發呻吟牀

蓐者二旬餘正月二十三日

季聖憲皇后仙馭上賓力疾而起入直哭臨

丁卯同尚書梁公國治副都統博清額給事中劉謹之恭繕

一切典禮蓋以會典中有

列后大喪儀排日紀事仿而志之四月十四日葬

秦東陵先生從二十五日恭奉

神御還京五月初一日升祔

太廟禮成奉隨往諸臣加一級先生已於三月擢大理

寺卿又以冊覃恩得封三代曾祖祖考皆贈資政大

夫如其官冊皆封二品夫人十一月初十日奉旨磨勘

各省鄉試中式卷是秋寄君有誠為江西奉新縣知縣鄉試

分校得陳曰芳等八人楊君慰為福建詔安縣知縣分校得

邱立人等七人凌君夢會為四川南部縣知縣分校得李傑

其等八人先生素甘恬退仕宦非其所尚自蜀歸即有乞身

之意故是年以後總以杏花春雨書齋名其集蓋取諸虞道

園詞云是年四月納謝孺人

四十三年戊戌五十五歲正月十八日

上恭謁

陵寢先生從二十二日先謁

泰陵次謁

泰東陵二十三日祭

泰東陵從臣皆於門外行禮二十六日回京先是 大清一統志成於雍正四年至乾隆二十三年平定準噶爾及回部拓地二千餘里且府州縣添置改析者多

上命重修迄十餘年尙有雲南貴州四川江西江蘇安徽浙江諸省及外藩諸部落未成亦 命先生為總修修之是年

邵二雲庶常 晉 補 孔眾仲庶常 廣 森 洪谷主事 繼 補 汪劍鐔

季廉 端 光 張芑堂貢生 燕 昌 王竹所上舍 初 補 而門人金雲

莊主事 德 興 徐尚之上舍 書 受 汪書年上舍 大 經 楊蓉裳上

舍 方 燦 及其弟荔裳 揆 常以譚藝過從侍講白君 麟 曾試分

校得蔡廷衡吳璣等十一人

四十四年己亥五十六歲正月初六日女粹卿歸于 榮 是時

先大夫官中書與先生同在內閣意氣投合交親之誼彌篤

十六日

上以

季聖憲皇后大祥謁

泰東陵先生從二十六日回京師先生因光祿公陸太夫人未葬屢欲乞歸不果至是以二十八日具奏陳情蒙 恩允

許遂於二月十一日奉錢太夫人由水道南旋而自取陸路

先歸部署三月二十四日抵家上冢以三次所頒 誥詞焚

黃告祭存問親故引親族窮乏者任卹之四月二十六日太

夫人亦至五月初一日依遷葬禮服總且乞盧紹弓學士巽

墓志梁元穎侍講書之錢曉徵少詹撰神道碑翁振三學士以分書書之七月初十日窆儀節規制具自撰歸葬小志中屆期遠近會葬者數百人布衣白首之交及遠方儒生居其半焉八月十八日赴京過吳門見彭尺木進士紹升與譚安養法門甚合布衣江鱸濤聲精古文尙書說文來講學至無錫顧晴沙觀察周抑亭太守際清楊永叔上舍和叔邀遊寄暢園觀王孟端竹鑑觀察命工製一鑑以贈九月初一日至常州集趙緘齋郎中繩男味辛書屋而頂秀才森者病於家造子以所辨太初三統術來就正過瓜洲見高旻寺僧照圓貞照圓為磬山法嗣扣擊如夙契也至揚州汪劍鐔江秋史德量來見江都汪容夫貢生中以所辨尙書金滕諸篇相質十六日至王家營先是戊戌秋河決儀封十六堡久未

塞

上命英勇阿公莅工公聞葬遣使來聘因往謝之遂登陸過邳州門人睢南同知孫步雲來見談論至夜分乃去二十六日至儀封見阿公及總河袁公愚谷河南巡撫陳公輝遂閱南北壩及引河情狀十月初二日由延津北上十七日抵京十八日趨赴 宮門請 安 召見詢江南預備南巡事宜高郵寶應水勢一一陳奏且言河南河工大概翌日遂命明春隨 蹕時先生僦居東華門外西堂子衡衡新知若貢生洪稚存亮吉趙億生懷玉弟子若楊荔裳徐尙之張漢宣黃仲則等數過從談讌如曩時十二月十九日補授都察院左副都御史二十一日又有 旨授河南布政使戶部尙書梁公國治言在軍機房久多聞舊事請畱遂以太僕寺卿

江君蘭代之

四十五年庚子五十七歲元旦

上御太和殿受朝先生以副都御史上殿侍班午刻筵宴

京師去冬少雪是日子刻同雲四合從卯至午積雪四寸有

餘官民歡呼稱瑞十二日隨侍南巡啓蹕十四日次紫

泉賜直隸大吏食且觀劇先生與焉并命和御製詩

至夕召觀燈火入宴元夕次趙北口行宮復命觀燈

聯句同作者額駙忠勇公兵部尚書福公隆安吏部尚書

辦大學士嵇公璜戶部尚書梁公國治直隸總督袁公守備

戶部侍郎和公坤董公壽禮部侍郎達公椿內閣學士兼

部侍郎嵩公貴翰林院侍講學士國公柱左春坊左庶子

公躍雲陳編修崇本凡十二人得庚字七言排律五十韻是

夕層冰皓月積素皎然箏版參差魚龍曼衍獲與賡歌之盛
真異數也時以

萬壽恩詔加一級十九日次絳河山東巡撫暨布政按察二兩
使來迎賜食和詩如前三十日次泉林賜食復頒示

御製七言律令和之二月初九日次桂家莊同江南總督巡
撫鹽政織造暨兩使賜食又敕和御製詩初十日

聖駕渡河禱於神卽事賦詩次直隸廠敕令恭和是日儀
封十六堡決口合龍僉謂

至聖積誠所感也十四日至揚州奉命祭宋宗忠簡公聖澤

明史忠正公可法本朝張文貞公玉書于京口二十三
日

至蘇州奉命祭吳泰伯范文正公仲淹湯文正公斌陳恪
勤公鵬年張清恪公伯行祠復命又同浙閩總督巡撫兩

使諸臣入宴和詩三月初二日次杭州 命祭陸宣公錢武肅王岳忠武王子忠肅公祠又賜 御製全韻詩擬白居易新樂府又 敕和 御製杭州卽事瑪瑙寺葛嶺諸詩十五日回 鑾次嘉興奉 命授江西按察使十六日山東壽光縣民魏萬年控縣令勞敦樟派累有 旨令同刑部侍郎阿公揚阿會鞫謝 恩請 訓行清江浦漕運總督鄂公寶來晤英勇阿公兩江總督薩公載布政使吳公壇皆以相度雲梯關海口形勢駐此先生往見之渡河取王家營陸路由宿遷郟城沂水蘭山臨朐以二十九日抵青州四月阿侍郎自京師至同讞事十九日讞事畢發摺行聞璞堂成進士尋改庶吉士抵濟南見蒿庵書院院長王惺庵進士元啓嘉興人工推步所校史記天官書漢書律歷志尤爲精核行抵

珠官屯復 命 召見 命赴江西且 垂詢母尚健否予五日假回籍迎養五月抵里遂奉太夫人啓行六月十一日抵南昌接印任事十三日具摺謝 恩并陳到江日期與經過地方晴雨狀十八日太夫人從水路至江西環山帶水多竊盜如臨川一縣報竊而未獲者自四十一年至四百餘案先生以爲盜者亂之漸竊者盜之漸人少則竊稍多則盜再多則亂其勢相因而皆起於貧民之游手無藉者于檄府州縣力行保甲先書無業惰民好賭生事者遇有竊發先詰之次責保甲毋得容畱外縣人有則詰所從來及其所業與本籍姓名書于冊無業者逐回本縣可疑者執而訊之以杜姦宄之原江西人聚族以居有所爭各選族之狡悍不畏死者什百爲羣互相格殺謂之羣毆亦謂械鬪先生曉以

若輩之爭大率山頭地角所植穀物所產竹木爲數無多而彼此殺傷甚有至四五命者實爲大惑大愚遇事宜各三思毋輕性命毋蹈前轍又有建家祠于府城省會中考遇訟則出祠堂公產之資招請訟師反覆告訐不休先主曉以祠堂本爲敬宗收族而作所以教季弟敦嫻睦今盤踞爲構訟地變詐機巧無所不至豈前人立祠本意嗣後有似此者當依前巡撫輔德所奏毀其家祠州縣審命盜之案逾限者纍纍先生謂承審各案豈皆難辦必須往返咨查從容訪詢者大抵州縣中或好聲色或飲酒逸樂流連光景因以致此各宜振厲奮發刮洗舊習依限完結違者必揭參示儆因飭胥吏每囚至三日內必讞讞畢卽發回率先以振起之時靖安縣張起鳳毆死其八歲甥傷痕微渺縣以爲顛墜死府以爲毆

死犯者游移其詞先生集府州縣之在省者二十餘人親往檢驗與衆共著之供詞乃定凡讞事坐堂皇不坐燕計六十餘日中讞決者百有餘案而錢太夫人自三月來食漸減由錢塘換船赴任冒暑雨病益劇旣而氣逆上以八月二十四日酉時卒先生哀毀盡禮蓋太夫人以是年十二月十六日年八十宗人鳳階光祿錢曉微少詹皆心先期作之介壽而不及稍待以是增慟焉九月二十二日扶柩山彭出大江順流而下以十月十七日回籍是年紀隨躡至赴任爲屬車雜志二卷豫章行程記一卷

四十六年辛丑五十八歲居憂先是所居蘭泉書屋年久頽圯因稍葺之光祿公常以思岡公來未立宗祠慙又慕堯文正公義莊昴子孫有力當勉爲之先生併欲置家塾以教

族人子弟已亥秋卜地於所居橋南起祠屋三進共二十間
置田五百畝以供其用又藏經史子集四萬餘卷金石文字
法帖二千餘通詳見自撰祠塾規條及塾南書目八月初十
日奉錢太夫人柩合葬于雪葭灣是時先生尙無嗣因議以
從弟職長子肇和爲子是年六月四川進士楊君卓育請
任請先生修縣志

四十七年壬寅五十九歲住萬壽道院志局遠方賓客門弟
子雜還過從四月浙閩總督陳公輝祖書來以西湖正
初年所輯迄今幾五十年 翠華五屆 宸章奎藻俱未恭
載而名士藝文及祠廟寺觀重葺者皆當蒐討續載請生
爲總修謝不赴十月禮陳公再以書來促乃往寓西河 氏
就莊先生發凡起例粗具稿復以病歸家月餘稍愈時陳公

以事落職河南巡撫富公勒渾晉總督甘肅布政使福公崧

晉巡撫先後抵任皆先生舊好也乃復往西湖志局暮歸
葬鄒夫人及許陸兩孺人於雪葭灣新阡而自爲生焉

四十八年癸卯六十歲正月十四日復由蘇州至西湖志局
值上元後尙寒湖上游人晚閒稀少先生數理小舟乘月游
歷諸勝同局諸子呼伶人數輩箏笛隨之遙望湖心亭及沿
湖樓閣燈火微茫閒出林際而遠鐘星星與箏板相聞覺此
游如在方壺瀛島聞族子嶰谷宜爲之圖諸子多作詩以紀
之開化門人戴金溪秀才敦元亦來湖上而寶公東臯爲學
使金韻言助教學詩沈芝生秀才清瑞在幕中時以爲文酒
之會二月十六日福巡撫傳 旨補授直隸按察使時志已
修十之七八乃以稿封交撫署而歸二十二日抵家二十六

日辭家廟行回首故園殊戀戀也二十八日抵蘇州見閔巡

撫元發摺謝恩初一日自蘇州行抵泰安孫補山方伯

遣人來候始知改調西安按察使蓋秦公承恩已陞任湖南

布政使故也二十三日抵圓明園二十五二十七兩日皆

召見命速赴新任遂陞辭四月初四日出都取道山

西二十三日抵西安著適泰日錄一卷見巡撫畢公慰勞殊

歡幸也是秋鄉試吳君興宗為商州鎮安知縣分校得王榜

榮等八人黃君楷為儀徵知縣分校得薛體洪等九人十月

具奏命盜凶犯脫逃通緝宜行於定案之時不應行於半年

之後使姦宄得以從容竄匿又陝西所屬南如興安漢中北

如榆林延安綏德皆距省一二千里秋讞時囚徒解省恐致

脫逃請令各道就近覆錄皆得兪旨允行時吳企晉舍人

關中書院院長嚴東有侍讀錢獻之州判培莊似撰明府

徐友竹上舍聖洪雅存孝廉孫淵如上舍星衍及王敦初

互復皆止長安公務稍閒輒以詩詞倡和為樂惟聞黃仲

效於山運使署中為之系欬竟日先是先生集朋好工

為琴樓詞鈔企晉請梓之兩月而成計二十五家共

十五卷是年娶媳錢氏

述庵先生年譜下

吳縣 嚴 榮 瑞唐編

四十九年甲辰六十一歲上年十月二十五日 婦王恭人
 粹卿歿至是得家報先生哭之慟四月聞甘肅固原屬鹽茶
 廳回人田五阿渾倡復新教糾眾攻破西安州土堡海城小
 山回賊附之回人最尊者曰罕其次阿渾蓋通經典主教之
 稱也總督李公侍堯提督剛君塔由八百里具奏十九日奉
 旨以西安州距陝西長武六站恐回人竄入陝境 命往
 禦之二十日秋讞畢遂行二十二日至長武長武有都司一
 員兵一百三十名為提督調去存三十名又益以宜君兵五
 十名合參將孫受兵四十二名共一百二十名而長武之通
 甘肅者有七路各以兵役數人守之李公已赴臨茶游擊高

人傑 督兵截殺田五自戕死二十三日提督與賊餘黨張文慶等戰於浪山賊走會寧時孫受所領兵與宜君兵復被提督調往長武勢益單又聞賊由打喇池狼山口走安定之宜川其地爲前回人馬明心所居新教回人最多處也賊由此而東南勢張甚先生以爲甘陝相通路徑長武最要鳳翔隴州次之總兵三君德從興安率兵至鳳翔巡撫屬其在隴州駐守而長武至隴州當由邠乾東折而南計七站若由長武而南逕靈臺縣之獨店麟游之天堂鎮寶峪山逕鳳翔至隴州計程三百里一日可達乃令各縣量設驛馬於是隴州之信朝夕相通矣長武兵除分守隘路外四城門及監獄倉庫皆需撥兵防守又運送軍須兵無可用乃借兵於三君得兵二百令通判黃秉哲率領以來殺牛享之分撥城內外聲勢

稍壯民心乃安五月初五日賊從官川徑瓦岔擾車黃寨初六日搶西鞏驛馬初七日搶義岡川初八日擾魏岔又自馬家堡翻山走安定典史費元登遇賊死於是石峯堡賊附之破通渭典史溫模自縊死在籍知縣李南暉率子弟巷戰皆遇害初九日掠蔡家堡十一日明副都統善孫參將以滿漢兵一千七百人住高廟山擊賊賊佯退伺官兵稍懈四面緣山而上明孫戰歿者數百人賊烽距長武不及三百里事亟先生乃試炮巡城爲防禦計數堞以分人因以料物籍城外民強壯者識其名如有急入城協守凡刀銅鐵炮石燈燭油米之類悉具民恃以無恐邠乾永壽皆壘塹填門而長武民出入往來自若也聞石峯賊欲由秦安蓮花城進擾隴州提督與將軍傅公玉分駐鹿鹿黑風兩山十七日

一走秦州掠官子鎮一走伏羌縣十九日圍縣城知縣楊蓉裳悉力固守先是李公追賊輒尾賊行至是屢得乃以二十二日會三君兵擊賊於北山梁三君力戰破之羌圍解二十四日賊上鎖子峽走蓮花城分竄靜寧水落及底店石峯堡而

上已命大學士阿公戶部尚書福公康安領侍衛內大

統海侯蘭察領京兵從山西來工部尚書信勇復公典

從河南來福公以六月初五日過長武馳抵隆德以李

送京將軍莽古賚統寧夏兵一千阿拉善王旺親班巴

蒙古兵一千五百皆會隆德十一日先剿底店之賊自辰

酉殺賊三百餘人賊首馬文熹率眾降十五日四川將軍

烈公保寧統屯練亦至大軍進逼石峯堡考石峯堡即

吐蕃之石城明成化四年滿俊據此作亂項襄毅忠列兵圍

之其將出沒被擒俊乃降先生詢西安人曹光芳等亦云此

堡離通渭城五十里登鹿鹿山望之一切了了可見其地四

面峭壁一綫螺旋上多土窰石洞賊匿其間云十七日阿公

過長武二十一日臨石峯堡督諸軍攻剿又相山址要處築

卡斷其水道七月初四日堡內投出婦女一千五百餘名至

夜賊欲突圍走海侯覺之率兵邀截射殪者無算初五日破

其堡阿渾張文慶李可魁馬四娃等皆就擒餘黨逃逸者悉

搜捕誅之時聞敷君倫泰將踵三君赴甘肅調太原總兵富

君敏泰代之先生恐其未習地利遂由靈臺赴鳳翔過汧陽

乘便鞫事從隴州出長寧驛與敷君相見且閱各要隘形勢

復歸長武李公械至刑部論斬下獄提督革職發伊犁阿渾

等皆磔於市是役也自陝省綠營駐防五千名之外調晉省兵二千名京兵二千名絡繹過長武需車輛馬騾約以萬計又銀錢火藥鎗炮軍裝駝載者又以千計危如碁累紛如蝟集而先生不攜胥吏不藉賓僚飛書草檄咄嗟立辦暨乎班師竣事無一舛錯遺誤者奏上輒奉 旨嘉許並議敘加二級程魚門編修自都來訪六月抵西安先生未及見以詩迎之未幾卒於巡撫署方事之殷也尚與蓉裳遙相倡和所過邠岐汧隴以詩紀其風土又以長武學廢兩廡圯栗主久失乃出俸錢率署邠州知州張曾長武縣知縣樊士鋒修之子衿奮踊輸助閱兩月而成斲石以記其顛末五十年乙巳六十二歲在西安時畢公被 旨 陛見以正月初十日起程布政使圖公薩布署巡撫事先生署布政使

事二月十七日得

旨畢公調河南巡撫何公

裕成

調撫陝

西三月何公至西安先生仍回本任先是城南興善寺隋時古刹也前有轉輪殿庋藏經歷久傾圮先生集眾願修之并勒文以紀其略又畢公修西郊大崇仁寺並起五百羅漢堂屬文為記令嘉定汪貢生照以隸書書之而勒諸石十月得旨何公調撫江西以貴州巡撫永公保代之圖君奉 旨 陛見先生仍署布政使迄十二月謝事嘉興張孝廉誠來謁孝廉喜為五岳游蓋徐霞客之流亞云十二月十九日祀蘇文忠公于廉讓堂陪祀者十餘人作詩記之以公會仕鳳翔通判也是年八月黃孺人病歿

五十一年丙午六十三歲先是壬寅歲先生修青浦縣志彙存篋中攜之西安至是二月志成屬吳江史君誦芬善長賚

送巡撫門公使縣令刻之又因各省刑名皆有省例益舉部
駁之案及條例之異常者纂輯成帙以備稽考西安獨無遂
飭吏胥盡發數十年舊案編成五十卷刻藏于署四月圖公
授湖北巡撫湖南布政使秦君承恩調補陝西先生復署事
六月秦君至西安七月河南伊陽縣民秦國棟等三十餘人
戕知縣孫岳灝而逸畢公搜捕不獲因奏言伊陽壤接湖陝
恐由熊耳諸山逃入商洛鄖西諸處得旨派往督緝於是
先赴商州以商州龍駒寨下接河南浙川爲商民販買水陸
要路檄州同李景蓮派兵役邏之八月初二日奉旨授雲
南布政使仍令督捕事竣入都陛見乃遍歷雒南山陽由
曼川關下漢江過湖北鄖西抵白河洵陽還至鎮安責令各
府州縣及參將游擊都司等分路搜捕設兵役於關隘以稽

出入詰保甲於村落以杜隱匿時直隸大名府民段文經徐
克展等亦聚衆爲八卦教戕其巡道熊恩絨

上並命督率搜捕乃還至潼關沿河而北歷朝邑郃陽韓城
審視各渡口亦分派丞弁督兵役稽之九月景蓮及商州游

擊張濯山陽縣知縣孫烈先後獲秦國棟及其子弟餘黨解
京師屢得優旨命卽入陛見因撰商洛行程記一卷

十月啟行過華陰游玉泉院雲臺觀欲登蓮華峯至青柯坪
微雪罡風大作不果行至蒲州景君安方爲山西河東道出

深省堂詩集屬爲序蓋兵部郎中富君森布子富君與先生
善故執禮甚恭十一月十七日詣闕召見詢問歷來軍

機密事及前于文襄公當國狀又奏因肝氣不和精神疲憊
請改京職

上垂問所服何藥一一奏對 溫旨不許乃 陛辭是時翁
振三宮詹曹來殷學士陸健男大理皆奉 使督學都門無
復有詩酒之會矣二十五日出京經汴梁謁畢公置酒觀劇
遇洪君稚存徐君友竹款語移時而別除夕抵荆門州建陽
驛連日大雪西北風呼湧途中寒甚

五十二年丁未六十四歲正月朔抵荊州初七日過常德提
督俞君全齋舊識也門人沈世燾以雲南池南道俸滿入都

至此遂同飲於俞君署乃別三十日過貴陽巡撫李公慶霖
學司道迎餞於雪崖洞明日行二月初七日入平彝境十三
日至省城總督富公綱巡撫譚公尚忠同司道來迎遂抵任
著重游滇詔紀程一卷滇省銅政最繁為廠大小四十有八
每歲須京銅六百三十三萬斤有奇九省採買銅一百四十

二萬斤有奇寶雲東川二局鑄錢銅七十六萬斤有奇而其
他補運者又須數十萬斤以是案牘最繁皆當鈞摘稽考先
生味爽而興至篝燈批飭猶未竟也又以滇省產銅雍正年
間鑄錢以運京運至湖北之漢口鎮再運京師後乃由各廠
分兩路水陸以達四川瀘州復由瀘州下江入運河以抵通
州規條數改參差錯互其各省採買漸次加增之故案牘亦
缺失自運用滇銅來其停減採買洋銅價值及鑄錢餘息其
計增帑至千餘萬兩且開採既久硎老山空鑛質多麤雜以
砂石陶冶有須十數番者加以入山深則米販遠煅煉久則
取柴難自滇及蜀步步皆蠶叢鳥道夏暑雨冬積雪及瘴癘
起皆不可行農忙少牛馬亦不可行運價日貴司事頗憂不
繼而莫能推其顛末先生盡發故籍作銅政全書五十卷然

後補球之方暨調劑之術可考而知矣時寧洱合州蕭霖

工詩太和令江西杜鈞工篆書嗜碑版因得段氏平定南詔

碑文又得安寧唐王仁求墓碑遂屬知州董傑封其墓為文

記之又屬保山令王彝象修楊文憲公慎祠於永昌符牂僻

處西陲士人奔陋四方知名之士罕有來游者惟鍾祥余君

元亭慶長頗知亭林之學尤邃于尚書主五華書院及其弟

璟度慶遠俱為文字交而昆明諸生陸藝弟藻能詩畫

安徽潁上縣知縣陳綱齋文燦楚雄縣人故門生也能詩常

以所作請正焉布政使署中舊貯御纂七經乃陳文勤公

宏謀為使時所刻又有朱子全書近思錄藏版既久多缺爛

先生補刊印行之分置各府州縣使諸生時習之滇省號佛

地而釋教衰微罔知戒律屬歸化寺戒僧本立以十月開戒

遠近至者三百四十五人刻為大悲壇同戒錄是年門人孫

君淵如以第二人及第而曹學士來殷卒于廣東學政任嚴

東有侍讀卒于廬江書院先生為詩弔之

五十三年戊申六十五歲先是省城五華書院為舉文公

爾泰所劾公歿祀其中至是久廢先生乃新栗主祠以文

定公名時尹文端公繼善陳文勤公宏謀李恭毅公明公

瑞五公皆雲南總督巡撫清名厚德譽望最隆明公清廉英

銳殉節緬中而國子監司業王公太岳前任布政使於銅政

有功並祀之以從士民之望二月次丁率府縣及書院諸生

致祭作七賢祠碑文使安寧州學生劉分書以置于壁時

騰越州城工修竣年餘乃奏往勘驗以三月初二日行沿途

望雨禁屠宰先生亦齋戒廉從皆不得食魚肉每過州縣晨

起步禱龍神城隍諸祠至廣通得微雨自是霰霏不絕初八

日得旨授江西布政使與李君承鄴對調以年老多病且

距江蘇本籍較遠恐水土不宜故有是命

聖恩體恤之至意也及抵下關聞緬甸因耿馬土司來請入

貢遂往大理偕提督烏君大經迤西道楊君以溪詢狀使具

言緬甸孟隕輸誠屬實乃奏記于總督請入奏明日赴騰越

閱城畢總兵劉君之仁置酒于大樹園屋無多前後有竹

數萬挺大樹數百株濃陰清樾為州縣公讌之地明日還至

下關雨益甚以四月十四日回省六月初一日李君至十二

日啟行父老香花杯酒走送者自城圍至鷓鴣哨興福寺二

十餘里不絕十九日出雲南境至貴州七月初九日出貴州

境十七日抵常德提督俞君云初十日江水潰荊州萬城堤

澧州以下浩漫不可行宜由龍陽出長沙過岳州取道武昌

乃如其言二十一日至長沙鴻臚寺少卿羅君徽五典方主

嶽麓書院來見請往游焉少卿出所註詩易頗有新意二十

七日過岳州府上岳陽樓樓久不修岸將圯張文敏公所書

范文正公樓記在屏上重刻亦失真振衣盼望舉杯獨酌蒼

茫數萬頃君山編山如在几案北望湖水清黃各半蓋江水

侵溢之故已而岳常澧道臧君榮青及府縣皆至招飲示近

日所產白鳥朱睥雪羽瑞徵也八月初四日抵武昌總督巡

撫及兩司以勘災故俱不在學使吳泉之來迎城中水深三

四尺許而漢口亦被淹寓江漢書院院長門人楊西和倫也

史誦芬亦至明日同登黃鶴樓樓傑麗深靚塑仙人乘鶴吹

笛像儵然出塵勝岳陽遠甚住兩日雇騾行九月十一日至

熱河 召見詢荊州水決情形奏言據連次所問今年各省
暑雨過多江既盛漲而漢口及洞庭彭蠡兩湖水皆入江以
截江流下壅而上潰故至此

上領之既而奏請京職如前時

上以十二日回鑾 遂命隨行十六日至遙亭復 召見

上諭以人材難得速赴新任十九日回京二十一日出彰義

門十月初五日渡運河抵徐州見族子叔華教授 元勳以李

愿石幢搗本相示十二日渡江見總督書公 麟是夕寓秦淮

嘉興王若農 尚珏及江寧教授錢漑亭 塘來若農蓋惺庵子

也遂畱飲二十三日入江西境二十四日過東林寺頽廢殆

盡唯三笑堂存白蓮池亦淤為田殘僧三四問以遠公及蓮

社高賢不知為誰某問以淨土不知是何法門也二十八日

至省城任事著雪鴻再錄二卷會是秋江湖水溢近江十五

縣頗被淹前署布政使額君 勅春先已查核被災分數及貧

戶等差入報奉 旨賑恤先生由水路覆勘之所過堤堰衝

塌及田畝為沙所壓積者皆親自履驗由南昌新建歷餘干

萬年都昌建昌德安等縣召災民詢以所得銀米若干務與

冊符又見老弱孤寡輒撫慰之十二月十四日過星子登開

先寺上黃巖殘冬寒沍無瀑布還宿棲賢十五日入白鹿洞

書院祭文 公祠招生徒而勸勉以正學晚至歸宗寺觀右軍

墨池摸廊廡董文敏各石刻十七日回署

五十四年己酉六十六歲在南昌有友教書院屋滲漏不可

居先生新之又修宋蘇雲卿祠于東湖上二月二十四日得

旨授刑部右侍郎先是高安朱文端公 軾萃二十一史中

和臣儒林循吏為三錄刊成未及頒行先生因其可以勵世

俸金屬尚安知縣小門生張古餘敦仁印數百部及是

命下乃舉以贈總督書公屬其分給州縣冀稍有裨於吏治

先生頗歲馳驅南北旅費既多署布政使額君助之始得辦

衣乃以初五日啟程二十八日抵京師詣 宮門謝恩 召

見奏對稱 旨時京城買宅甚貴糧道陳嵩山蘭森為大學

士桂陳文勤公孫云有故第在內城勾闌衎衎可居遂寓

焉閏五月初五日

上幸熱河先生從八月

上丁祭 聖廟 命祀啟聖殿又屢 命和詩 賜紗緞果

蔬甚夥又 賜詩經樂譜 御題春鳩墨刻 御題五福五

代同堂記二十一日旋京同大學士九卿詹事科道秋讞十

月 命同磨勘各省鄉試中式卷十一月初五日直隸新安

縣民劉巨川控總甲等於被災賑濟及借常平倉穀均有勒

索 命借倉場侍郎蘇公凌阿往按之二十三日勘畢還按

察使富宜善來新安以其父傅勤公顯行狀求為神道碑時

同里沈惟吉明經廷枚張書堂秀才拱先後入都來下榻

五十五年庚戌六十七歲是年

聖壽八旬正月元日筵宴於 保和殿 恩詔頒布天下將

謁 闕里告成於岱宗二月初八日啟 蹕先生從先謁

東陵次謁

西陵禮成遂由秋瀾行至德州同直隸山東諸大吏 賜宴

觀雜劇角觥如常儀三月望日

上臨曲阜 親詣 聖廟行禮 命分獻孟子又 命祭少

三

吳陵顏子墓仲子任子祠過濟寧見黃小松司馬易暨布衣

李鐵橋東琪兩人皆深於金石盡發其所藏碑版摩挲之途

中 賜和 御製詩三十餘首同扈 蹕者為翁振三閣學

禮部侍郎 蠲治亭保酬唱殆無虛日還至青縣司馬莊會高

郵州典史陳倚道密揭是州書吏假印重徵詳報布政及巡

撫不辦狀

上遣兵部尚書慶公桂同先生往鞫乃偕刑部員外郎許君

秋巖兆椿行三月十六日至高郵會總督書公同鞫而書公

先已獨訊且奏所揭屬誣

上以不俟欽差明有專擅袒庇禡其翎頂已而慶公等勘得

重徵實情下知州吳煥于獄並劾揚州府知府罷之尋得

旨令逮閱巡撫鶚元行至紅花埠復奉 旨勅訊康布政基

田并案逮治慶公偕巡撫北行先生獨往江寧訊畢其袒庇

情形一一如

上所指時姚君姬傳聯來晤方主鍾山書院嚴東有子觀亦

來謁觀字子進殫心地理所補元和郡縣志簡而能該先是

趙君雲松從揚州安定書院來訪古權重見皆可喜也四月

初六日遵 旨帶同康君取道江浦以行五月二十八日抵

熱河 召見於避暑山莊 詢問江南吏治對以各督撫皆

務為安靜而州縣貪戾不法輒相容隱因以致此

上頷之下其事于刑部分別治罪而總督亦罷職尔京七月

二十八日

聖駕自熱河還迎 蹕於密雲適湖南湘鄉縣民童高門控

書吏收漕折色各款

上命同兵部侍郎吉公有堂慶馳驛鞫之遂率兵部員外郎
丁琴泉雲錦及許君秋巖啟行時

萬壽屆期萬方送喜自內外四十八旗喀爾喀蒙古之外西
藏大喇嘛哲卜尊丹巴呼圖克圖葛爾丹錫將呼圖克圖安
南國王朝鮮南掌緬甸陪臣哈薩克使臣金川甘肅諸土司
臺灣生番巴勒布番人咸來祝釐獻畫先生昭出都梁元
穎侍講錢曉徵少詹亦以慶典赴京相晤絮語多時八月
十三日宿新鄉晨起望闕行禮月杪抵長沙九月山水路
赴湘鄉初七日奉旨令審湖北應城縣武生李村控倉書
科派買穀又斂錢買馬折收草費各款遂發摺起行與吉公
渡湘水十五日至武昌十六日得旨以江陵縣民趙學三
控書吏何良弼等包攬方家洲堤工偷減土方復命鞫之

赴荊州乃拜摺具言先往德安再赴江陵閱江堤大江自宜
都西來入荊州境其上兩山東之堤自萬城始乾隆五十三
年夏秋多雨如漢沔洞庭彭蠡皆漲爭入江以截江趨海之
勢於是江水騰溢齧江陵堤決二十二處衝西門入從北門
出漂軍民壞房署無算

上移畢公爲湖廣總督發帑五十萬兩修之又命大學士
阿公督辦公相度形勢江岸南高北下而近南岸有舊金洲
長七八里寬二三里江至此不得展拓故涌而潰遂於北岸
楊林洲黑窰廠觀音寺築三石磯挑水循南岸行以刷舊金
洲且悉犁其蘆荻去其根結今洲勢日削已著成效若數年
後洲汕盡則水不北侵府城可永固矣然聞居民言五十四
年夏間江漲距堤面止二三尺許或謂四川陝西湖北山木

叢密處多墾爲種包穀地遇雨浮沙隨水下於江江雖深日
久漸淤是以水勢年增別無上策惟高築堤以資扞衛耳聞
三磯竟又三十里至方家洲按故冊又量無減少其殘損處
應賠補者屬知府張方聖任之民始悅十五日閱郝穴堤江
自萬城至此凡兩曲其間如郝家洲堤爲水所刷土時時墮
水中亦不可不亟修也觀音寺後有陀羅尼經幢元至正六
年都水使者賽音不花造以畏吾兒字書因江形至此如象
鼻仗大雄力以爲控制二十八日荊州堤工訖畢發摺渡江
又命訊湖南永明縣民蒲太圻控告賄買武童等事又得
旨長沙民王澤遠告知縣勒買常平倉穀命往鞫之雨
雪連旬小除始微霽除夕同吉公及丁許兩君小集皆有詩
是年以恩詔晉封三代皆光祿大夫妣皆晉一品夫人先

暨鄒夫人亦封一品

五十六年辛亥六十八歲正月初一日寅刻率曹郎於寓次
望闕行賀元旦禮初三日王澤遠案審畢繕摺奏聞時蓬
心來晤年七十餘精力愈健諧謔間出其近畫清蒼簡遠直
宗北苑故能獨出冠時爲先生作雲棲教觀圖十六日蒲太
圻永明案審畢發摺行入楚來命鞫四案分別奏上勅
部核議均如所擬奉旨允行十九日過常德時城外方有
花貓堤之役蓋沅江合九溪之水下注常德府城正坐灣處
盛漲水與堤平畢公請帑二萬三千兩築石櫃以禦之櫃
卽江陵所謂石磯黃河所謂攔水壩也櫃形三角沅水從西
南來有櫃以抵其衝則水迤邐而南刷去停沙東北入於洞
庭府城北面可以安堵明日遂往觀之二十四日抵荊州覆

力家淵是工尚未修補乃以知府張方理草率捏飾具奏
 一職二月初二日過南陽臥龍岡謁諸葛忠武侯草廬有
 三顧堂故蹟前巨碑二刻前後出師表字頗雄渾其旁楓柏
 亦數百年物初八日抵衛輝復讞蒲太圻所控一款上之十
 九日至海澱二十日召見奉旨詢問所讞諸案是否無
 冤奏各處皆有奸民然有司啟之胥吏釀成之亦不能薄其
 罪也

上以為然又以出使頗久令回休息蓋蒙

聖慈體恤如此著使楚叢譚一卷先是庚戌歲恭遇

聖壽八旬停止勾決至辛亥以一年辦兩年案牘入秋審者
 一千七百餘人爰書繁重每日自進署外歸則勾稽比擬輒
 至夜分凡百餘日始畢八月十八日至二十四日會大學士

允卿詹事及各科道會劫于天安門外金水橋南朝房乃進
 本自八月二十一日始迄九月十二日進畢乃候勾到在

行在勾六次在朝勾八次十一月十二日始竣事焉時

織治亭侍郎玉闥風閣學保李鳧塘編修驥元阮伯元詹事

元王懷祖侍御念孫及子伯申引之咸在京師文酒之會不

減曩昔冬至得寒疾歲暮而痊

五十七年壬子六十九歲

上幸山西五臺以三月初八日啟鑾先生從十二日由良

格莊詣泰寧山謁

泰陵禮畢又謁

泰西陵如前儀十七日至王快路漸高四圍山勢益峻層巒
 疊嶂尚有積雪二十日過龍泉關上長城嶺雉堞參差先生

跋馬而上石徑詰曲俯臨絕壑凡十五里上嶺而下是爲山
西境矣二十一日駐白雲寺二十二日駐菩薩頂五臺
梵經謂文殊師利法王子道場一名曼殊舍利唐清涼國師澄觀著
甚嚴然鈔於此元時番僧始來居之故山中喇嘛最多近日
章嘉如圖克圖寂後亦昇其龕塔于鎮海寺喇嘛傳宗喀巴
教以黃者爲正山中寺院崇麗者率爲所居其餘則謂之
青衣信然孤巖斷磴負遠幽絕未必非阿羅漢所棲止也二
十九日還過長城嶺四月初六日駐蹕真定知府邱君學
勛舊相識也出百十二家古墨凡示皆明中葉及國初名
人所製者十六日回京師著臺懷隨筆一卷八月順天鄉試
上命吏部尚書諸城劉公壩充主考先生偕瑚和菴詹事圖
禮副之得講亮采等二百二十三人

五十八年癸丑七十歲時

上將幸盤山派扈蹕三月啟鑾至十三日

上幸天成殊像萬松東西甘澗諸名勝畢十五日各省奏刑
名事五件奉旨均令速議大學士等以爲明日始能奏上
先生一日皆具摺奏進

上深嘉之賜食明日召見因奏松江近海地卑離家十
年餘墳墓間有坍塌乞照例歸省修葺

上允之四月初一日由陸路行二十七日過揚州薄暮抵瓜
步出大江先上金山宿望江樓午夜起視江昏月晦隱約漁
舟數點而已晨起飯畢放櫂過焦山甫至廊下清風翛翛叢
竹戛擊有聲已而住持慧超達瑛出迎以詩見示頗清俊飯
罷往三詔洞有焦先坐像烏紗金紫不復作山人裝可一笑

爾還至松寥閣上長江東瀉與海歎歎夕陽照之碎金萬點亦先生前此所未見也宿閣上三更雲霧一無所見惟聞枯槎老鵲時拍拍有聲蓋不至此者三十七年矣明晨回京口見教諭劉君端臨台拱過常州上橫舟亭拜蘇文忠公像下舟適總督書公從蘇州秋審歸過船款語五月初二日抵蘇州巡撫奇公豐額帥屬來請

聖安遂徧拜之是夕雨甚土人云自二月中至此未嘗晴也翌日雨中赴硯山祭曾祖光祿公墓松楸蔥鬱雲煙窈冥徘徊久之回珠街里祭祠詣雪葭灣祭祖考墓以封一品光祿大夫焚黃致告墓生芝一本色微黃其大逾于掌時江浙諸郡名士以詩就正舟航錯互履滿戶外八月間瘡作兩閱月始已適錢曉徵少詹過訪留宿蒲褐山房明晨招圓津禪院

僧慧照

覺銘

放舟至佘山并招汪書年及張晦堂

興載

遠春

典鋪

飯於知止山莊又往千山登周氏來雨樓爲門人周仲

育秀才

厚墳

藏賜書處而仲育歿已七年爲之悄然次日

還過慧照清華閣始別先生輯青浦詩傳自機雲以下至於近時女士方外悉爲甄錄共三十六卷先生以體尚委頓欲遲明春北上而

上從熱河還

召見大臣垂詢王昶何以未來輦下諸公飛

札具告謂當尅日就道而司寇胡公

季堂

促之尤力遂以冬

至日行二十二日過無錫正值七十壽辰蓉湖浩蕩垂垂欲雪買惠泉酒對山獨酌慶者絕蹟自以爲得未曾有自念年已七十宜懸車然

聖壽八十有三天行之健自強不息且九列中年七十以上

者凡十餘人咸恪恭震動陳力趨事不宜循古禮為辭惟是
耳聾日甚動履盤跚十步九息心思如墮雲霧又不可以戀
棧誤公事十二月初二日抵王家營日五更衝寒早起比至
京疲憊益甚赴 宮門 召見遂以精神日減不能供職具
奏

上鑒其老病允之謂在侍郎中頗為出力遂以原品休致且
謂歲暮苦寒宜俟明歲春融回籍蓋自大學士漳浦蔡公以
年近八旬乞身後迄今十餘年未有蒙 體恤如此者九卿
動色誇為異數

上詣瀛臺因進摺謝 恩且言明春俟 巡幸天津送 駕
後啟程南下得 旨報聞是年春 殿試門生陳遠雯 雲以
一甲第二名及第授編修英煦齋 和 魏升之 元煜 授庶吉士

蔣問樵 第 王晚香 紹蘭 成進士以知縣用戴金溪 敦元補

殿試亦改庶吉士自丙申至是十八年詩編為杏花春雨書
齋集

五十九年甲寅七十一歲元旦入 朝行禮時京城春暝大
學士九卿至翰林科道及部曹諸君皆以先生將遂初自上
元後置酒設餞並以詩文投贈無虛日三月二十二日 巡
幸天津 鑾先生先赴黃新莊二十三日清晨送 駕
上領之四月初一日赴通州下船時北省少雨潞河淺澀天
津以漕艘將來沿河官吏及總兵等咸雇民夫開挖舟行逆
水而上又東南風多候開閘候漕船日不及行二三十里六
月始至濟寧而各省俱已得雨水漸長漕艘亦過訖遂放溜
而南七月二十三日抵家乃以春融顏其堂九月病瘧臥榻

者月餘先生留心理學取薛河津王陽明魏莊渠崔子鐘顧
端文向忠憲黃漳浦馮恭定劉戢山孫蘇門李二曲黃梨洲
諸家著述編發聖賢要指

六十年乙卯七十二歲三月赴蘇州謁曾祖光祿公墓墓右
丙舍荒圯因其舊而修之前為硯山丙舍舍三間少宗伯鐵
冶亭書額西三間題梵香齋諸城劉冢宰石庵書以前曾令
僧居此故也階前地二畝許有小池池中植荷餘地植梅桃
各十餘株雜以玉蘭辛夷及松竹蒲萄之屬南有樓題棲雲
閣為門人秦易堂司業承業書翁振三閣學撰丙舍記刻置
于壁修築竣艤舟闡門諸名流來謁者如李尚之秀才銳顧
千里秀才廣圻徐澹如秀才葵袁又愷上舍廷禱輩朋簪雜
還樽酒飛騰而與王光祿錢少詹同學同年同歸老得數晨

夕九快事也五月榮成進士殿試二甲第七名與先生同

尋蒙恩點庶吉士先生得報尤為喜慰九月至錢塘許積

卿宗彥來見入雲樓禮大悲懺七日而歸十一月

上以明年歸政八月先正東宮又舉行千叟宴詔中外

臣工逾七十者皆入宴遂以十八日起程挈金青儕秀才學

由陸路行十二月二十一日抵京二十二日詣闕請

安召見詢問歷官前後及江浙年歲豐稔狀奏對稱旨

歸寓青厰與吳冲之少司空鄰而那繹堂閣學彥成吳穀人

編修錫麒桂未谷訓導馥辛進士敬業門人戴金溪英煦齋

伊墨卿秉綬徐中書忻沈戢山樂善鄧菽原傳安朝夕往還

殘年旅舍不覺岑寂也是秋太常寺卿施鐵如充山東鄉試

主考官得李方翀等六十九人未還朝即授湖北學政王

君紹蘭充福建同考官得鄭瑞麟等八人

嘉慶元年丙辰七十三歲元旦

太上皇帝 御太和殿王公大臣百官稱賀行禮項之行歸

政禮以

太上皇帝還宮

皇帝隨至乾清門乃出更袞服升 御太和殿行登極禮王

公大臣百官朝賀奏樂如初是日風日恬和雲彩絢麗咸謂

重光復旦之徵初四日行千叟宴禮于 寧壽宮皇極殿王

公及一品大臣 賜坐殿中兩列二三四品官及外藩使臣

坐殿門廊外五品以下衆耆老坐階下入宴者三千餘人辰

太上皇帝陞座

皇帝侍立羣臣依班在殿外行禮禮畢各就位大學士阿桂

奏 禮跪獻羣臣皆跪又行叩首禮乃坐設酒饌樂作演劇

太上皇帝命諸皇孫舉玉卮賜殿上羣臣各叩首而飲酒三

行樂畢謝 恩出酒半微雪霑綵服作花六出頃之晴霽雲

日皎然上下無不懽呼稱慶頒賞有差先生受 賜玉如意

席木壽杖紉緞裝錦大毳筆墨等十六件是日冊封 皇后

于刻復詣 太和殿前

皇上註坐再行賀禮退蓋

太上皇帝聖壽八十有六文謨武烈旁沛宇宙鴻朗昭融純

熙悠久超越千古而以

聖禪

聖尤生民以來所未有先生作詩六章用志盛軌進呈得

旨刻入燕集中元夕

兩聖幸 圓明園往侍直二十一日 陛辭那繹堂閣學彭

雲相司空元瑞沈雲椒少宰初吳沖之少司空英煦齋編修

偕同人分日祖餞二月初一日僦車啟行及門人又餞於普

濟堂而別行至瓜洲費筠圃巡撫淳以讞事赴興化相見言

總督蘇公凌阿已聘主婁東書院三月初五日歸家四月初

一日赴書院知州于君龍圖直隸總督成龍曾孫中戌同年御

史宗瑛之子以太倉州志自張受先以來已一百五十年欲

續修之請主其事時汪敬箴編修學金乞假家居築靜厓小

閣香燈禪版專心淨土先生重聽久至是夏秋酷暑兩日皆

迄秋右目稍瘥已不能潑墨揮翰矣而江浙士人請謁無虛

日校文暇悉以應文字之求歲暮還三泖漁莊浙江巡撫玉

達齋德阮伯元學政秦小峴觀察瀛皆舊好同蘇鹽政榜額

聘為崇文院長因熊布政枚先期力請仍主婁東且志書未

畢辭不往

二年丁巳七十四歲正月浙中當事皆折簡相招因赴浙由

楓涇至嘉善見同年周穉圭觀察升桓嘉興晤馮養吾侍御

抵杭州項金門璠請為東道主玉撫軍蘇麟使置酒邀伯

元學使同汎西湖明日學使邀集瑪瑙寺越二日秦小峴觀

察招游龍井二月朔赴雲棲再禮蓮池大師一宿至理安次

日游韜光靈隱楊梅諸勝門人孫臬使嘉樂張西曹時風孫

侍御志祖暨沈觀察榮勳龔太守敬身皆攜酒至寓同邑門

人陳州判花南韶復約諸名士請游梅莊歸過桐鄉李大令

廷欽江西舊屬請見門人李大令書田廣芸為平湖令亦來

請紆道往晤之仍赴太倉八月聞秋帆制府卒於辰州官舍
十二月鳳喈光祿亦歿於蘇州兩君皆籍隸太倉因爲作傳
是時先生老病益甚遂辭講席歸聞大學士誠謀英勇阿公
薨於位

上親臨其喪

賜諡文成而顧晴沙袁子才王蓬心及王敦

初復

亦皆以秋冬繼逝自甲寅至是年詩編爲存養齋集

三年戊午七十五歲二月赴硯山丙舍上冢歸撰顧晴沙墓
銘畢秋帆神道碑是秋編湖海詩傳畢將梓而江寧將軍慶
公霖爲尹文端公第五子甫抵任以書來約九月買舟至秣
陵遍游寶華棲霞諸山天界雞鳴報恩諸寺會江寧許秋巖
太守秦易堂司業諸君聞曾賓谷運使煥以俸滿入都送之
至揚州寓同年沈旣堂運使業富家賓谷屢集名流招飲賦

詩聯句五日而歸是秋戶部主事張君

大維

爲貴州主考得

黃燮等六十一人

四年己未七十六歲正月

太上皇帝升遐見費撫軍告以入都遂買舟行二月初一日

過無錫鄒曉屏閣學

炳泰

來始聞京師近事大學士和坤以

言官劾貪墨狂悖不法狀凡二十餘款

上賜令自盡又下

詔開言路肅吏治絕貢獻禁奢侈

溫

旨絡繹士庶鼓舞相慶於途二十九日至京寓

榮

邸舍三月

初一日召見詢問歷官始末及外省吏治民情與川楚寇

盜未平之故一一奏對又諭云凡有欲言可繕寫密封以

進乃退明日詣觀德殿前敬謁

梓宮行禮遂條數事進之

上命畱覽時百寮持服公事之餘無私謁惟法時帆祭酒式
善何蘭士御史道生張船山編修問陶偶相過從譚藝而已
清明大祭上

尊諡并四月十三日百日期滿俱詣行禮十六日具奏回籍
二十日遂從水路南下七月抵家是時吳縣知縣因爲富商
追欠于國忌日違禁杖責生員四學諸生不服適平學使
恕來蘇羣往呈訴而按察使同知等收捕諸生平君瑟縮不
能禁止先生移書切讓之十一月阮公伯元由戶部侍郎補
浙江巡撫過吳具書請主杭州敷文書院是年會試鮑覺生
桂星等十二人成進士分別以庶吉士主事用有差英煦齋
詹事充會試同考得蔡鑾揚等十一人
五年庚申七十七歲正月下旬至書院院舊名萬松明王文

成公守仁作文記之碑今不存生童來課者二三百人先生

以辛酉年補博士弟子至是已六十年學使錢公樾松江知

府趙君宜喜請重游泮宮乃以四月中歸里率新進子弟祇

謁文廟禮畢宴於曲水園九月復至書院是年英煦齋閣

學爲順天主考得張葆等二百三十人沈戢山編修爲福建

主考得張光浩等八十五人魏升之銓部爲四川主考得陳

兆颺等六十人陳遠雲銓部爲貴州主考得尹作霖等四十

一人而內閣中書張君桂齡亦充順天同考官夏秋間目疾

甚屢辭院阮公堅畱乃止至歲杪歸里

六年辛酉七十八歲正月阮公差縣丞顧某邀請大雪中過

鴛湖城郭樓臺人烟樹木皆在玉壺天地中爲先生前此屢

過所未見扣舷叫絕杭州書院有三自敷文外崇文則馮

圃給事

培

紫陽則御史孫君

志祖

又鼓山則孫淵如觀察諸

暨則禮部郎中孫君

嘉樂

皆先生門下士浙人以爲美談夏

初適課諸生西湖柳枝詞阮公閱之歎其工謂自楊鐵崖後五百年無更作者選而刊之共得三百餘首先先生與當代名流往還書札最多而諸城劉文清公及梁侍講元穎墨蹟尤爲繁富陳花南恐久而漸失請合兩家書鐫之名劉梁合璧江浙士林亦以爲墨寶八月英煦齋少司農典江南鄉計得崔錫華等正副榜一百三十六人時目疾益甚遂辭講席而歸

七年壬戌七十九歲目疾愈甚以生平所撰金石萃編詩文兩集及湖海詩傳續詞綜天下書院志諸書卷帙浩繁尙待編排校勘不能審視因延請朱映溍秀才

文藻

彭亨

等

兆蓀

及門人陳烈承秀才

興宗

錢同人秀才

佩

陶鳧香秀才

梁

各分任之校其舛誤及去取之未當者刻日排纂是春

試小門生呂

兆麟

顧

純

程

那憲

等皆授庶常

八年癸亥八十歲元旦望闕行禮畢賦七律二章傳和者頗衆時詔令雲南清查各屬銅鹽虧空國帑之項計虧至二百餘萬無可著追雲省督撫請於二十年來各督撫司道分賠之先生應賠出一萬二千餘兩貧無所措乃至蘇州見署巡撫總督費公及布政使汪公

日章

請以所有田宅盡數入官變賣以償凡六千餘兩不足請咨部豁免兩公皆許之時那繹堂少宰以讞鹽案至浙寄書邀於中途相見因至吳江會之翌日又送出潞野關連夜挑燈話舊蓋不勝悵悵也將歸于太守

鰲圖

館先生于虎阜白公祠卽明李顧處士

之塔影園吳中諸名士載酒來訪因作絕句十餘首記之
乃歸陳黃門子龍詩文零落先生前與王教諭希伊輯之得

若干卷又考其墓載於縣志而是時適奉 詔錄明季殉難

諸臣 賜諡忠裕並翰林撰文入祀忠義祠并考其前官曾

授兵部侍郎翰林院侍讀學士詳於殉節錄因與陳桂堂太

守廷慶於墓上建碑亭栽松柏又於墳西半里福成庵側建

祠兼祀夏忠節公允彝及忠節子節愍公完淳王君勝時漢

蓋忠節與公同社同難節愍為公高等弟子勝時亦公弟子

難後收葬故一併祀之并約同人此後每歲春秋致祭以垂

不朽又屬何書田秀才其偉與趙惠蒼汝霖莊純川師洛兩

貢生重為搜採詩文刻之同時嘉興朱孝廉宅亦刻公集乞

先生敘之又於金山徐氏得所藏安雅堂文集若干卷於是

公之祠墓詩文燦然顯於世矣十一月八日生辰吳穀人祭

酒為先生撰啓徵詩吳越士大夫拏舟來祝者數日不絕得

詩百餘首而京城及遠方寄詩來祝者亦眾四川布政使楊

君荔裳知先生病日寄空青石先生笑曰日本陽光陽盡則

暗此豈可以藥物挽回者試之卒不效先是先生以六十年

來師友所贈詩文手自甄錄名湖海詩傳共六百餘家至冬

刻就又嘗讀宋元人詞集有竹垞太史詞綜所未採者撰續

補人二卷竹垞曾選明詞未竟踵成十二卷又選 國朝詞

綜四十八卷至是皆刻竣先生自中歲窮經凡讀諸家注釋

疏義有所得輒書而藏之題為羣經揭藥共十數冊自戊午

至是六年雖往來杭州太倉常居於臥游軒故終以名其集

焉

九年甲子八十一歲神氣更衰因思今古詩文中惟陸放翁
朱竹垞兩先生年逾八十尙能吟咏其餘則否因遂輟筆不
爲蓋欲幾於心齋而坐忘也遠方來訪者迎送不能出廳是
年鮑覺生中允典試河南得董益廣等七十一人錢曉徵少
詹汪敬箴庶子史誦芬沈安成靖先後逝實有山陽之慟焉
而荔裳方伯卒於成都尤爲惋惜五月間雨水泛溢禾苗漂
沒者十之三四幸蒙 蠲賑兼施窮黎稍濟然猶有食糠粒
者

十年乙丑八十二歲二月英煦齋侍郎與同年二十餘人
寄八十壽文極爲宏麗先生杜門已久而忠裕公祠落成
其節義文章不敢以衰耗自解乃於清明前親往致祭曉
少詹卜兆有期同人偕其兄東壁求撰墓志先生以六十年

舊好作二千言存歿之感溢於楮墨時鐵公治亭由山東巡
撫總督兩江巡洋閱兵貽書問訊伊墨卿太守由惠州罷復
起用隨鐵公來亦承其勤拳記憶也伯元中丞丁憂歸儀徵
秦公小峴自廣東調浙江布政使許公秋巖由江西按察調
浙江曾運使英侍郎鮑中允常以書素見貽而席編修煜趙
司馬懷玉陳徵士鱣吳秀才騫姚上舍椿及桂堂遠春時時
過訪吳江潘明經眉錢塘吳秀才引年與映澹同人皆在書
舍老病中不憂寂寞也是年英侍郎充會試總裁官得胡敬
等二百三十三人孫平叔爾準鄧菽原傳安孫子瀟原湘徐
直卿題皆中式直卿以第二人及第授編修平叔子瀟選庶
吉士菽原以知縣用十一月金石萃編一百六十卷刊成
十一年丙寅八十三歲元旦得鄧太守夢琴書寄示麗澤講

習一冊并以甲子鄉試重赴鹿鳴賦詩見寄三月許周生來乞其尊人春巖方伯墓志四月徐直卿編修亦以求撰其尊人詩集序來訪何夢華相繼至劇談終日五月十二日微瘡三日而愈二十一日寒熱復發由是飲食漸減至六月初三日朱潘二君偕來問疾猶與論易隨卦嚮晦冥息義極精微初六日病愈甚先生知不能起因言吾通籍以來四十餘年受恩深重未酬萬一遂口授謝恩表令肇和繕寫副本呈請當事審定轉奏次及喪事悉遵朱子家禮無務世俗浮華之費至墓志神道須阮伯元秦小峴兩君撰之又曰汝庶母侍吾垂三十年會典質其所有簪珥以充刻書之資今侍湯藥浹旬不稍懈我歿後汝宜以禮事之頃之溘然而逝時初七日丑時也

春融堂集目錄

卷一

蘭泉書屋集古今體詩一百一十二首

卷二

琴德居集古今體詩九十六首

卷三

三泖漁莊集古今體詩八十三首

卷四

鄭學齋集古今體詩一百十首

卷五

履二齋集古今體詩一百二十一首

卷六

述庵集古今體詩一百二十首

卷七

蒲褐山房集古今體詩一百三十二首

卷八

蒲褐山房集古今體詩九十七首

卷九

聞思精舍集古今體詩一百四十七首

卷十

勞歌集古今體詩一百四十六首

卷十一

勞歌集古今體詩一百首

卷十二

勞歌集古今體詩七十七首

卷十三

勞歌集古今體詩八十九首

卷十四

勞歌集古今體詩六十三首

卷十五

杏花春雨書齋集古今體詩七十六首

卷十六

杏花春雨書齋集古今體詩九十九首

卷十七

杏花春雨書齋集古今體詩一百十四首

卷十八

杏花春雨書齋集古今體詩八十二首

卷十九

杏花春雨書齋集古今體詩一百三十五首

卷二十

杏花春雨書齋集古今體詩一百二十首

卷二十一

杏花春雨書齋集古今體詩一百四首

卷二十二

存養齋集古今體詩二百首

卷二十三

臥游軒集古今體詩一百三十五首

卷二十四

臥游軒集古今體詩一百四十首

卷二十五

琴畫樓詞七十四首

卷二十六

琴畫樓詞八十三首

卷二十七

琴畫樓詞七十三首

卷二十八

琴畫樓詞七十四首

卷二十九 賦

固窮賦

陸機宅賦

聖駕再幸江南賦

精理亦道心賦

進次賦

夏雪賦

臥龍岡賦

三高祠賦

卷三十 書

答翁靜子徵君書

與顧上舍祿百書

與沈果堂論文書

與顧震滄司業書

與彭晉函論文書

與夢文子座主薦士書

答呂青陽書

與朱竹君書

與惠定宇書

與褚舍人摺升書

與秦味經先生書

與門人張遠覽書

答甥蔣瑞應書

與趙升之書

與曹來殷書

與杭大宗書

卷三十一 書

與錢冲齋書

又與錢冲齋書

與陳綱齋書

與蔣應嘉檢討書

與余庚有書

與袁文康書

又與袁文康書

與楊孝廉書

答吳冲之學使書

與吳冲之學使書

又答吳冲之學使書

與陸耳山侍講書

與南明族弟書

又與南明

又與南明

又與南明

又與南明

又與南明

與顧晴沙觀察書

又與顧晴沙觀察書

與彭樂齋觀察書

答彭樂齋觀察書

答錢曉徵學士書

與李世傑按察書

與趙少鈍書

卷三十一 書

與吳竹堂書

與盧紹弓書

與梁山舟侍講書

與錢曉徵少詹書

與江良庭論六書書

答許積卿書

答門人陳太暉書

與吳二匏書

答李憲吉書

覆倪敬堂書

又覆倪敬堂書

與畢秋帆制軍論續通鑑書

與孔洪谷主事書

與汪容夫書

卷三十三 論

經義制事異同論

許世子論

漢文帝論

太元論

馬謖論

阮籍論

王羲之論

唐宋兵制得失論

續復讐論

王安石論

張浚論

卷三十四

考辨

齊風汶水考

韋顧昆吾考

封建考

鄭氏書目考

伏波將軍印考

隱公不書即位辨

子以母貴辨

公山弗擾以費叛辨

外丙仲壬辨

卷三十五

解說

乾鑿度主歲卦解

鄭氏爻辰解

文祖藝祖解

九族既睦說

文王受命稱王說

北過洛水至于大陸說

許積卿字說

四士說

卷三十六

序

顧陶元重刻易隱序

沈仲方尙書條辨序

朱循洲詩緒輯雅序

汪少山齊魯韓詩義證序

汪少山大戴禮記解詁序

陳宏猷四書就正錄序

傅賓石六書分類序

新修榆林府志序

重修青浦縣志序

傅副憲緬甸圖序

壬子順天鄉試錄後序

先大夫百世師錄後序

金石萃編自序

卷三十七 序

石午橋律例舊鈔序

阮吾山秋讞總志序

黃氏族譜序

李氏家譜序

夏氏族譜序

陶氏尋陽義莊志畧序

朱氏刻陳忠裕公集序

何氏再刻陳忠裕公集序

祠塾規條自序

世譜小序

世譜前錄小序

吳 吟香閣印譜序

馮廣文墨香居畫識序

汪秀峯田居雜記序

滇行日記自序

征緬紀聞自序

歸葬小志自序

卷三十八 序

唐治父詩序

二彭集序

陳句山先生紫竹山房詩文集序

李恒齋先生金笈槎謠序

朱吉人春橋草堂詩集序

沙斗初布衣白岸亭詩集序

張崑南在衣鶴健堂詩鈔序

張策時華海堂集序

趙升之媿雅堂詩集序

趙升之姬鰓集序

朱子穎匏繫集序

吳冲之白華詩鈔序

褚左義學士詩鈔序

高秋士七峯草堂詩集序

蔣立崖司馬詩序

吳鑑南黃琢山房集序

卷三十九 序

金二雅播琴堂詩集序

楊蓉裳吟翠樓藁序

翁石匏布衣賞雨茆屋詩集序

魯絜非山木居士集序

索綽羅氏家集序

胡安公吟石詩集序

汪東湖明府詩序

吳照南聽雨齋詩集序

施鐵如宗丞詩文集序

張金冶紅椒山館集序

李味亭舍人詩序

吳企晉淨名軒遺集序

鄒曉坪午風堂詩序

家條山蘭綺堂詩集序

族子叔華詩序

卷四十 序

方恪敏公詩集序

潘榕臬三松堂詩集序

吳子山香蘇山館詩序

宋瑞屏滇游集序

楊蓉裳伏羌紀事詩序

家竹所濟南竹枝詞序

吳麗煌閉戶著書圖詩序

張太夫人培遠堂詩序

徐若冰女史南樓詩集序

廖織雲女史仙霞閣詩鈔序

毛今培試體唐詩序

劉星洲據鞍倡和詩序

升庵雅集序

訪菊詩序

官閣消寒序

修禊吟序

酒帘倡和詩序

千山竹枝詞序

西湖柳枝詞序

徐山民禊湖詩拾序

卷四十一 序

四家文類自序

青浦詩傳自序

湖海詩傳自序

江賓谷梅鶴詞序

朱適庭綠陰槐夏閣詞序

趙升之曇華閣詞序

吳竹橋小湖田樂府序

孫鑑之海月詞序

陶鳧香紅豆樹館詞序

姚蒞汀詞雅序

琴畫樓詞鈔自序

明詞綜自序

國朝詞綜自序

沈柏參時文稿序

送馮郎中從軍赴滇序

送談君赴黃州任序

送張偉瞻歸西華序

送魯絮非赴夏邑任序

送施明府赴公安任序

送張偉瞻赴鎮遠任序

送唐時川曹秋漁歸嘉興序

送景孝廉雲客序

送丁小山歸湖州序

送唐陶山赴海州任序

卷四十二 序

沈歸愚先生八十壽序

黃醴泉五十壽序

邵西樵八十壽序

孫虹橋六十生辰詩序

蔣瑞應六十咏懷詩小序

錢曉徵七十壽序

段得莘先生九十壽詩序

阮湘圃封翁七十壽序

梁山舟八十壽詩序

從子次辰雙壽序

吳母程太夫人八十壽序

李母張太淑人八十壽序

沈母朱太恭人九十壽序

高母太恭人八十一壽序

王母張孺人七十壽序

高母陸孺人七十壽序

武母程太孺人七十壽序

卷四十三 跋

跋周易乾鑿度

周易義海撮要跋

惠氏周易述跋

易漢學跋

跋稽古編

宋刻周禮跋

宋本春秋左傳跋

春秋集傳微旨跋

書褚先生補史記後

跋漢紀

書陶淵明傳後

封氏見聞錄跋

宋本元和郡縣志跋

跋唐書直筆新例

通鑑纂跋

革朝志跋

唐律疏義跋

平叛記跋

墨子跋

莊子跋

荀子跋

跋劉子

書文選李善註王仲宣從軍詩後

書王維送元二使安西後

書李義山詩後

陸宣公集跋

書蘇文忠公岐亭詩後

書蘇文定公商鞅論後

烏臺詩案跋

環谷集跋

題剡源文鈔

元詩跋

山中白雲詞跋

書張叔夏年譜後

跋夏節愍集

卷四十四 跋

跋駢枝別集

明儒學案跋

書曝書亭集跋危氏雲林集後

書嵩少先生詩後

感舊集跋

書回部蕩平樂府後

書陸邵夫愛日圖詩後

跋坤一詩鈔

載酒凌雲詩冊跋

懶慵集題詞

跋內江令許君詩卷後

困學編題詞

舊篋集題詞

汪秀峯春游小詠題詞

葉玉存小游仙詩跋

書 國朝詞綜後

跋玉篇

匡謬正俗跋

書隸釋後

漢隸字原攷正跋

跋子敬十三行石刻後

跋翁氏重刻漢石經

跋伊墨卿藏漢并天下瓦當硯圖

宋榻九成宮跋

雜書聖教序後

題宋榻爭坐位帖

跋舊帖

題錢穉廉集古帖後

跋羅兩峯丙舍帖

跋淳熙秘閣續帖殘本

跋棲霞寺碑

唐人書蓮華經殘字跋

跋趙松雪書梵網經

題趙松雪手札

卷四十五 跋

跋文信國與吳架閣名揚劄子

董思翁臨顏魯公送裴將軍詩跋

跋祝希哲書黃庭經後

跋陸師道隸書周易本義後

澗山唱和長卷跋

跋竹垞太史手札

跋金誦清清獻閣帖所刻惲南田書

題陸清獻公書餘齋恥言卷

跋儼齋司農臨李北海米元章書冊

跋伊墨卿藏劉文正公墨蹟後

跋法開文學士所藏公詩卷

題陸虔實錄書千文

跋山舟侍講書贊首

跋朱竹君書

題賈...

查氏...

書史烈女

題莊似其卷

古藤詩思卷

題藝圃圖卷

題先伯福卷

跋呂語集

跋人譜

臨漢隱居詩話跋

玉壺清話跋

懷麓堂詩話跋

硯箋跋

法書攷跋

禁扁跋

跋函海所刻金石存

名媛尺牘跋

題陸包山山水

李長蘅山水挂幅

陳仲醇江南秋畫卷

跋張文敏公畫梅花冊

馬江香秋色小幀

題一泉上人墨梅冊

跋華嚴經

龍舒淨土文跋

書楞嚴經後

再書楞嚴經後

書佛頂蒙鈔後

心經淺釋跋

書王鶴溪昭慶寺修建記後

題贈僧旭齡文冊

卷四十六

策 策問

殿試策

巳卯順天鄉試策問第一道

庚辰順天鄉試策問二道

辛巳會試策問二道

壬午順天鄉試策問三道

癸未會試策問一道

壬子順天鄉試策問五道

卷四十七

記

軍機處題名記

修長武縣學記

重興烏鎮社學記畧

騰越州署草堂記

雲南布政使署記

壘水河觀瀑樓記

楊子雲亭記

味初齋記

青乳齋記

萍廬記

三鶴堂記

袁又愷漁隱小圃記

鄂不軒記

履二齋記

駱佩香聽秋軒記

卷四十八

記

殷氏祠堂記

楓涇王氏祠堂記

陸氏義莊碑記

蔣氏祠堂碑記

修慈門寺碑記

大崇仁寺五百羅漢記

西安大興善寺重修轉輪藏經殿記

重修清華閣記

慈門寺新修鐘樓碑記

湖州下昂邨清遠橋記

韓孺人畫像記

記畫

屈季超刻印記

雙林寺硯記

竹鑪記

卷四十九

記

畢雨稼行旅圖記

汪文端公松泉圖記

陶然亭雅集圖記

授經圖記

大樹山房圖記

游珍珠泉記

游龍泉記

近華浦游宴記

游雞足山記

雅州道中小記

木耳占記

美篤寺災記

卷五十

釋盧橘

釋 辭 贊 銘 哀辭 誄 祭文

中峯水明樓辭

游小鑑湖辭

游歷下亭辭

丁丑秋暮將有京雒之行門人汪心揆出楓林茅屋圖相示蒼厓紅樹如見故山因作楚詞貽之亦庸以志余感焉

得古琴于市中上玉柱篆文曰蒼龍嘯月眠其空中有大宋雍熙四年及孤桐應鍾數字尙可微辨餘不能摸寫矣因爲之辭刻于匣上

壬寅小雪後顧觀察光旭曹員外焜枉顧寓齋適開化

戴秀才敦元亦至同汎舟西湖雨中小飲日晚言別

乃作此辭

題陸朗夫中丞畫像贊

諸中之像贊

題顧治齋成志小照

見復齋銘

硯銘

蓮葉硯銘

鄺湛若硯銘

金生慰祖哀辭

程荆南哀辭

汪雲壑哀辭

金孝子哀辭

汪容夫哀辭

郭文學誄

祭山川風雨神文

祭陣亡將士文

祭山川旗纛諸神文

太白山祈雨文

祭蘇雲卿文

祭王次山先生文

祭孫虛船通政文

祭沈歸愚宗伯文

祭陳文勤公文

祭來文端公文

祭太保大學士尹文端公文

祭 御前侍衛副都統博君靈阿神柩歸京文

祭穆荔帷文

祭魯絜非文

祭嵇文恭公文

祭張太夫人文

卷五十一

碑

慰忠祠碑

郭舟山廟碑

永昌王氏家廟碑

重建永昌楊文憲公祠堂碑

六賢祠碑

卷五十二

神道碑

戶部侍郎署翰林院掌院學士夢公神道碑

刑部左侍郎贈尚書錢文敏公神道碑

工部右侍郎阿君神道碑

兵部尚書都察院右都御史湖廣總督贈太子太保畢

公神道碑

卷五十三

墓志

太子太保大學士諡文襄舒公墓志銘

郵贈光祿寺少卿戶部主事趙君墓志銘

雲南迤東道錢君墓志銘

廣西柳州府通判朱君墓志銘

誥封中憲大夫安徽和州州同知王君墓志銘

湖北布政使朱君墓志銘

卷五十四

墓志

甘肅涼莊道署四川按察使司顧君墓志銘

廣西巡撫孫君墓志銘

四川鹽茶道王君墓志銘

禮部員外郎前四川按察使司孫君墓志銘

山西寧武縣知縣彭君墓志銘

同知署廣西平樂府知府余君墓志銘

廣西蒼梧道周君墓志銘

卷五十五

墓志

惠定字先生墓志銘

江慎修先生墓志銘

戴東原先生墓志銘

都察院左副都御史陸君墓志銘

詹事府少詹事錢君墓志銘

卷五十六

墓志

都察院左副都御史申君墓志銘

雲南沅江府知府商君墓志銘

翰林院庶吉士吉君墓志銘

翰林院庶吉士汪心揆墓志銘

內閣中書舍人張君墓志銘

翰林院編修嚴君墓志銘

翰林院編修蔣君墓志銘

翰林院侍讀學士褚君墓志銘

翰林院編修前兵部右侍郎吳君墓志銘

刑部員外郎汪君墓志銘

浙江按察使陸君墓志銘

前 經筵講官都察院左都御史吳君墓志銘

卷五十七

墓志

含山縣訓導蔡先生墓志銘

歲貢生陳先生墓志銘

寧國府教授施君墓志銘

金壇縣教諭葛君墓志銘

誥贈朝議大夫縣學生賀君墓志銘

誥封中憲大夫中書科中書舍人劉君墓志銘

文學楊君墓志銘

候選員外郎李君墓志銘

陽山縣教諭瞿君墓志銘

卷五十八

墓志

蔡希真墓志銘

邵珉高墓志銘

朱上峩墓志銘

羅臺山墓志銘

蘇州府教授俞君墓志銘

黃仲則墓志銘

張蘊輝墓碣銘

國子監生陸君潤之墓志銘

金誦清墓志銘

卷五十九

墓志

志畧

墓碣

節母陶孺人墓志銘

張母吳太孺人墓志銘

葉孺人墓志銘

誥封許母胡夫人墓志銘

亡妻鄒氏志畧

芸書志畧

許孺人志畧

汪容甫墓碣

文學汪君墓碣

振華長老塔銘

卷六十

墓表

翰林院編修朱君墓表

誥贈奉政大夫訓導馮君墓表

翰林院侍講學士充國史館提調官邵君墓表

河南道監察御史胡君墓表

進士劉君墓表

山東長清縣知縣朱君墓表

蔣升枚墓表

江聖言墓表

朱子存墓表

文學呂君墓表

貢生吳君偕朱孺人合葬墓表

邵西樵墓表

國子監生焦君墓表

湖北襄陽呂堰鎮巡檢王君墓表

楊孺人墓表

金孺人墓表

法師劉君墓表

卷六十一 行狀

太子少保協辦大學士刑部尚書諡文勤阿公行狀

太子太保東閣大學士梁文莊公行狀

卷六十二 行狀

太子太保武英殿大學士一等誠謀英勇公諡文成阿

公行狀

卷六十三 行狀 事畧

國子監司業王公行狀

先母錢太夫人人事畧

卷六十四 行狀

顧在觀傳

陸振芬傳

沈荃傳

周治傳

鄒允颺傳

周綸傳

王原傳

張德純傳

周士彬傳

胡寶琮傳

宋德宜傳

陸元輔傳

吳偉業傳

王揆傳

卷六十五

傳 小傳

王元祜傳

顧陳埒傳

趙俞傳

沈起元傳

張鵬翀傳

秦倬傳

王鳴盛傳

曹仁虎傳

吳西林先生小傳

周斯盛太守小傳

潘君上舍小傳

繆君笏巖上舍小傳

節母黃孺人小傳

節孝孔母唐孺人小傳

顧英小傳

女粹卿小傳

卷六十六

公牘

與畢中丞

與圖布政使 薩布

卷六十七

公牘

與顧鹽法道

長敘

與馮布政使

光熊

與陳布政使

步

答敷副都統

森布

覆浦布政司

霖

致書安肅鳳道

儀

致宋鞏秦階道

維琦

與同州閔太守

鑑

與歐同知

煥舒

與咸寧長安兩縣

與楊蓉裳

與南明書

致蘇顯之

去疾

上兩江書

卷六十八

書黃公纘事

書公法事

新纂政全書凡例

友教書院規條

示戴生

敦元

示長沙弟子唐業敬

示朱生林

年譜二卷

附

失目

張玉壘七十壽序 卷四十二

林黃先墓文 卷五十

節母蔣孺人小傳 卷六十五

卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十

